

LABURPENA

I. NAZIOARTEKOA

Munduko ekonomiak, tentsio komertzialak eta ziurgabetasun politikoa areagotu arren, erresilientzia handia erakutsi zuen 2025ean.

II. ESPAINIA

Espainiako ekonomiak aurrera egin du 2025ean, barne-eskariak bultzatuta, espektatibak gaindituz eta eurogunearen gainetik. Kontsumoak eta inbertsioak dinamismoari eusten diote, enpleguak gorantz jarraitzen duen bitartean, eta industriak bilakaera nabarmena erakusten du.

III. EAE

EAEko lan-merkatuak hazkunde jarraituko ibilbidea izan du 2025ean, eta, horri esker, azken hiruhilekoan milioi bat okupazio baino gehiago erregistratu dira lehen aldiz. Enpleguaren dinamismoa Eraikuntzaren eta Zerbitzuen sektoreetan kontzentratzen da nagusiki, eta sektore horiek dira ekitaldiko aurrerapenen buru.

IV. BIZKAIA

Bizkaiko turismo-sektoreak portaera positiboa izan du, bai laugarren hiruhilekoko urte arteko konparazioan, bai ekitaldi osoan, atzerriko turismoaren hazkundera oinarrituta. Nabarmenezkoa da landa-turismoaren susperraldia 2025ean, aurreko bi ekitaldietako uzkurdura leheneratzea lortu baitu.

V. FISKALA

Bizkaiko eta EAEko diru-bilketak marka hautsi du 2025ean, 10.000 milioitik gora izan baitira enpleguaren dinamismoari, kontsumoari eta 2024ko aparteko faktoreen desagerpenari esker. Bai zuzeneko zergapetzeak bai zeharkakoak aurrerapen handiak izan dituzte, PFEZaren bultzada, BEZaren gorakada eta hidrokarburoen sektorearen normalizazioa nabarmenduz.

MAKINA-ERREMINTAREN NAZIOARTEKO BIURTEKOA (BIEMH)

Makina Erremintaren Nazioarteko Biurtekoak (BIEMH) 33. edizioa bete du martxoaren 2tik 6ra bitartean, BECen (Bilbao Exhibition Centre). BPGaren terminoetan Biurtekoaren eragin ekonomikoa 74,55 milioi eurokoa izan da, 14,4 milioi eurotik gorako zerga-bilketarekin, eta 1.507 lanpostu sortu ditu. Datu hauek agerian uzten dute Azokaren tamaina eta proiektzioa.

BIEMH 2026k 34 herrialdetako 1.543 enpresa erakusketari bildu ditu bere bost aurkezpen-egunetan, eta 65 herrialdetatik etorritako 39.063 bisitari erakarri zituen. Beste lurralde batzuetako profesionalen presentzia nabarmen honen ondorioz ekitaldia Euskadiko negozio-turismoaren eragile nagusietako bat izan da. Hala, hotelen sektoreak ostatuek eta jatetxeek eragindako inpaktu ekonomiko osoaren % 63 bildu zuen, eta parte-hartzaileen % 50 Euskaditik kanpokoak izan ziren. Gainera azoka-jarduerak eraginaren % 18 hartu zuten, eta ondoren garraioa (% 9), txikizkako merkataritza (% 5), jolas- eta kultura-jarduerak (% 3) eta publizitateko eta merkatu-azterketetako gastua (gainerako % 2) suertatu dira.

Muntaketaren, ekitaldiaren beraren eta desmuntaketaren artean esparrua okupatuta egon zen 31 egunetan 10.300 profesional baino gehiagoren lana behar izan zen pabiloietan standak prest jartzeko.

Bere garrantzi ekonomikoaz gain, BIEMH 2026 fabrikazio aurreraturako urteko nazioarteko lehen erakusleihu handi gisa finkatu da, datozen hilabeteetan berrikuntza industrial markatuko duten gakoak aurreratuz eta oihartzun mediatiko handia sortuz euskal ehun industrialarentzat berarentzat. Ekitaldiaren estaldura nabarmena izan da, 140 kazetari akreditatu izan direlako eta interesa ingurune digitalean ere islatu delako. Webguneak 506.000 bisita baino gehiago izan zituen (aurreko edizioan baino % 49 gehiago) eta enpresa erakusketarien direktorioak 600.000 kontsulta inguru izan zituen.

Iturria: <https://biemh.bilbaoexhibitioncentre.com/cierra-33-edicion-con-impacto-economico-mas-74-millones/>



NAZIOARTEKO EKONOMIA

Munduko ekonomiak, tentsio komertzialak eta ziurgabetasun politikoa areagotu arren, erresilientzia handia erakutsi zuen 2025ean.

Hainbat faktoretan oinarritu da mundu mailako jardueraren hazkundera, eta horien artean honako hauek nabarmentzen dira: kanpo-merkataritzaren hazkundera, nazioarteko merkataritzari zuzendutako muga-zergen iragarritako igoerari aurrea hartuta; hornidurakateen egokitzapena; adimen artifizialeko proiektuekin lotutako inbertsio handiagoa; eta finantza-baldintza zabalek bultzatutako arriskuarekiko joera gero eta handiagoa.

Ondorioz, aurreko ekitaldiko hazkunde-erritmoa espero zena baino azkarragoa izan zen; eta pandemia osteko gorakadak sei hamarkada baino gehiagoko epean izandako mundu mailako atzeraldiaren ondorengo susperraldi sendoena markatu du. Hala, pandemia hasi eta bost urtera, 2025ean munduko per capita BPGa 2019an izandakoa baino % 10 handiagoa izan zen, gutxi gorabehera; igoera horrek gainditu egin zuen munduko aurreko susperraldiena. Hala eta guztiz ere, sendotasun horrek dibergentzia nabarmena ezkututzen du. Izan ere, gorabidean dauden eta garatzen ari diren merkatuetako ekonomiak atzean geratu dira, bereziki sarrera txikiko herrialdeak eta gatazken eraginpean daudenak (horietako laurdenek per capita sarrerak pandemia aurreko mailetatik behera dituzte oraindik; eta ia ekonomia aurreratu guztietan, aldiz, ratioa 2019ko mailen gainetik zegoen).

Gorabidean dauden eta garatzen ari diren ekonomia askotako hazkunde ahulak areagotu egin du berez ikaragarria den lan-erronka, gazteen populazioen hedapen azkarrak sortua. Kanpo-testuinguru konplexuago batean, ekonomia horiek erreformak bizkortu behar dituzte, politikak formulatzeko maniobra-marjina berreraiki behar dute eta enplegu-sorkuntza handiagoa sustatu behar dute.

Tentsio komertzialak baretuz joan ziren ekitaldiaren bigarren erdian zehar, nahiz eta noizbehinkako gorakaden eraginpean jarraitu zuten. Txinak eta Estatu Batuek erdieroaleen eta lur arraroak dituzten mineralen esportazioen gaineko kontrolen inguruan izandako eztabaidak tregoa bati bide eman zion; tregoa horrek aldebiko muga-zergak murriztu zituen 2026ko azarora arte, eta etenaldi bat sartu zen esportazio-kontrolatan. Gainera, Estatu Batuek nekazaritza-produktu jakin batzuen gaineko muga-zergak kendu zituzten herrialde guztientzat, eta ondoren beste sektore batzuetan ezarritako beste muga-zerga handiago batzuen ondorioak neutralizatu zituzten.

Informazioaren eta teknologiaren sektoreetako inbertsioaren dinamismoa Asiako ekonomietan erdieroaleen eta beste ekipo batzuen esportazioen bilakaera sendo batean islatu zen. Maiztasun handiko datuak moderazio-seinaleak ematen hasi badira ere, munduko merkataritzak sendo samar jarraitu du, teknologiarekin lotutako esportazioen hedapen indartsuari esker (hedapen horrek beste produktu-kategoria batzuetako esportazioen abaila, txikituz doana, konpentsatzeko balio izan du).

Aurreko guztiarekin, Nazioarteko Diru Funtsak (NDF) urtarrilean argitaratutako Munduko Aurreikuspen Ekonomikoen Eguneratzean emandako datuek iradokitzen dutenez, 2025ean munduko BPGa 2024an izandako % 3,3tik hurbil dagoen (baina zertxobait txikiagoa den)

hazkundera lortzeko gai izan zen; eta nazioarteko hiru ekonomia handietan (Estatu Batuak, Txina eta eurogunea) espero baino zifra hobeak izan zituen.

Inflazioa baretu egin da herrialde gehienetan, eta banku zentralen helburuetara hurbildu da. Muga-zergen tasen igoerak Estatu Batuetan ondasunen inflazioa apalki areagotzea eragin bazuen ere, eragina arindu zuen, besteak beste, ondasun-pilatzeak.

Hazkundearen bilakaera arlo ekonomikoen arabera

Estatu Batuetako ekonomia, 2025eko orokorrean, % 2,1 hazi zen, aurreko urtean baino zazpi hamarren gutxiago (azken bost ekitaldietako hazkunde datu baxuena da hori). Urte amaiera txarra, gastu publikoan beherakada eragin zuen itxiera federalak markatua, gainerako barne-eskariak dinamismo handiagoa erakutsi zuen bitartean, izan da Estatu Batuetako ekonomiaren moteltzearen eragile nagusia urteko guztizkoan.

Barne-eskari pribatuari dagokionez, inbertsioa ekitaldiaren azken tartean indartu egin zen, eta, kontsumoak, aldiz, bere aurrerapena moteldu egin zuen. Inbertsioaren kasu zehatzean, teknologiari eta AAari lotutakoa bizkortu egin zen, eta hazkundearen eragile garrantzitsu bihurtu zen urteko azken hiruhilekoan. Aitzitik, bizitegi arloko inbertsioa ahul mantendu zen, bai eta teknologiarekin eta garraioarekin zerikusirik ez duten ekipoetan egindakoa ere, urte hasieratik zegoeneko gertatzen ari zen bezala.

Hala, munduko lehen potentzia ekonomikoaren BPGak dezelerazio esanguratsua izan zuen 2025eko laugarren hiruhilekoan, % 0,2 hazi baitzen aurreko hiruhilekoaren aldean (orduan, hiruhileko arteko aurrerapena % 1,1ekoa izan zen). Dena den, hain nabarmena den indargalera hori aldi baterako faktore bati egotzi lekiok; alegia, herrialdearen historiako gobernu-itxierarik luzeenari.

Guztiarekin ere, urtearen balantzea ez da analista batzuek Estatu Batuetako gobernuak muga-zergen neurri murriztaileak hartu izanagatik espero zuten bezain txarra izan. Era berean, Estatu Batuetako ekonomiak hazkunde-bideari eutsi zion, migrazioaren gogortzearen, lan-politika zorrotzagoen eta Atzeraldi Handiaz geroztik minimo historikoetan zegoen enplegu-sorkuntzaren testuingurua gorabehera. Jarduera on horren arrazoia, batez ere, sarrera handieneko kontsumitzaileen dinamismoa da; aldakortasun handia izan arren, gastu-mailari eutsi baitzioten.

Txinan, munduko bigarren ekonomian, BPGaren hazkundera % 5,0koa izan da 2025ean, 2024an lortutako % 4,9 baino handiagoa; eta, horrela, «% 5,0 inguruko» hazkundearen helburu ofiziala bete da.

2025eko azken hiruhilekoan Txinako ekonomiak hiruhileko arteko % 1,2ko hazkundera izan zuen, aurreko hiruhilekoaren aldean azelerazio txiki bat; urte arteko % 4,6ko aurrerapenaz (2025eko txikiena eta azken hiru urteetako erritmo motelena) bestelakoa da hori. Nolanahi ere, maiztasun handiko jarduera-adierazleek (kontsumoa, inbertsioa, produkzioa eta kanpo-sektorea) erakusten dute hazkundera moteldu egin dela urteko laugarren hiruhilekoan.

Esportazioen sendotasunak jarduerari bultzada eman dio barne-eskariaren ahultasunaren aurrean. Joan den urtearen hasieran piztutako gerra komertzialak Txinak Estatu Batuei egindako salmenten % 20ko hondoratzea ekarri zuen, eta orduan beste merkatu batzuetarantz bideratu ziren (esaterako, Europakorantz edo Afrikako kontinentekorantz). Testuinguru horretan, Txinaren eta EEBBen arteko urtebeteko merkataritza-treagoak




munduko bi potentzia ekonomiko nagusien arteko merkataritza harremanei egonkortasuna eman dien arren, inportatutako produktu txinatarren gaineko batez besteko muga-zerga eraginkorra % 40,0 ingurukoa da (2024aren amaieran % 15,0 ingurukoa zen). Ondorioz, bi herrialdeen arteko merkataritza-fluxuek behea jo dute urtean zehar, eta neurriak arintzeko akordioek ez dute fluxu horiek suspertzea lortu. Era berean, oraindik konpondu gabe dagoen higiezin arloko krisiak eta kanpoko ingurune zailak herrialdeko jardueraren bilakaeraren inguruko ziurgabetasuna luzatzen dute.

Japoniako ekonomia % 1,1 hazi zen 2025ean, kontsumoaren susperraldiak bultzatuta; hala ere, kontsumoaren susperraldi hori espero zena baino txikiagoa izan zen. Datu horrek adierazten du jarduera suspertu egin zela herrialdean 2024ko -% 0,2aren ondoren, baina ez luke bigarren mailan utzi behar Japoniako ekonomiak urteko azken hiruhilekoan izan zuen jarduera txarra (% 0,1eko aurrerapena izan zuen, analistek aurreratu zuten % 0,4tik urrun).

Esportazioek ere gora egin zuten 2025ean (% 2,9). Aurrerapen hori, ordea, inportazioen % 4,0ko hazkundeak konpentsatu zuen.

Barne-eskaria eta enpresa-inbertsioa oztopatu dituzten faktore nagusietako bi inflazioa eta muga-zergak izan dira. Testuinguru zail horretan, Japoniako gobernuak gastu publikoaren handitze bat prestatzen ari da, kontsumoa bultzatzeko eta hazkunde ekonomikoa suspertzeko. Iragarritako neurrien artean, elikagaien kontsumoaren gaineko zergak kentzea planteatzen ari da gobernuak; eta 117.000 milioi euroko inbertsio-plana iragarri du, energia arloko subsidioekin eta etxeetarako laguntzekin. Planak alarmak piztu ditu inbertitzaileen artean, Japonia bere zorreretatik dagoeneko oso presionatuta baitago.



Erresuma Batuko BPGa % 1,3 hazi zen 2025ean, eta bi hamarren hobetu zuen 2024an izandako aurrerapena. Erresuma Batuko ekonomia espero baino gutxiago hazi zen urteko azken hiruhilekoan. Urte zaila izan zen, gainera; Estatu Batuekiko muga-zergen tentsioek eta barne-zurrumbilo politikoek markatua.

Jarduerak ahultasuna erakusten jarraitzen du, urte arteko hazkunde-tasa gero eta txikiagoak izan baitira ekitaldiak aurrera egin ahala: % 0,7 urtarriletik martxora bitartean, % 0,2 bigarren hiruhilekoan eta % 0,1 urteko azken bi aldietan. 2025eko azken tartean, industria izan da jarduerari tira egin dion sektorea; izan ere, eraikuntzak tasa negatiboak izan ditu eta zerbitzuek ez dute inolako aldaketarik erakutsi.

Europako ekonomiak aurre egin die Donald Trumpen gobernuak iragarritako muga-zergen politika gogortu izanaren ondorioz 2025eko hasieran espero ziren iragarpen txarrei.

Eurogunean, ekonomia handi guztiek lortu dituzte emaitza positiboak, baina oso moderatuak, nahiz eta ziurgabetasun handia izan den mundu mailako jarduera ekonomikoaren inguruan, eta, bereziki, Estatu Batuek muga-zergen politika oso murriztailea aplikatzearen inguruan. Hala, euroguneak % 1,5eko urte arteko aurrerapena izan zuen 2025ean, 2024an izandako % 0,9aren ondoren; eta Europar Batasun osoa hamarren bat gehiago hazi zen (% 1,6).

Estatu Batuetara eurogunetik etorritako inportazioen aurrerapenak jardueraren hazkunde handia eragin zuen eurogunean urteko lehen hiruhilekoan, % 0,6koa hiruhilekoen artean eta % 1,6koa urte artean, ondorengo aldietan motelduz joan zena. Lehen bultzada horren eta hurrengo hiruhilekoetako aurrerapen egonkorren konbinazioa nahikoa izan da 2025eko ekonomiak 2023ko eta 2024ko emaitzak hobetzeko (aldi horietan jardueraren aurrerapena oso ahula izan zen).

Alemaniako BPGak atzeraldia gainditzea lortu du (bi ekitaldi jarraian gorritz egon ondoren) eta % 0,4ko aurrerapena lortu du, kontsumo pribatuaren eta gastu publikoaren suspertzeari esker. Pandemiaz geroztik, Alemaniako industria indartsua krisi sakon batean murgilduta egon da, eta krisi hori areagotu egin zen Errusiak Ukraina inbaditu zuenetik (inbasio horrek krisi energetiko handia eragin zuen Errusiako gasaren oso mendeko den ekonomia batean). 2026ra begira, Alemaniako ekonomiak dinamismo handiagoaren itxaropenak erakusten ditu, azpiegituretako eta defentsako inbertsioan aurreikusitako bultzada handiari esker.

Alemania


ko kanpo-merkataritzari kalte egin diote hainbat faktorek; esaterako, Estatu Batuetako muga-zergen igoerak, euroaren balioa handitzeak eta Txinako lehia handiagoak. Hala eta guztiz ere, Alemaniako esportazioek 2025ean % 0,8ko urte arteko aurrerapena izatea lortu zuten, bi urtez jarraian behera egin ondoren.

Frantziako barne-produktu gordina (BPG) % 0,9 hazi zen 2025. urte osoan, laugarren hiruhilekoan haren aurrerapena dezeleratu ondoren (% 0,2ko hazkundera izan zuen hiruhilekoan, aurreko % 0,1, % 0,3 eta % 0,5ekoen goranzko joeraren aldean). Frantziako BPGaren aurrerapena Frantziako gobernuak aurreikusitakoa (% 0,7) baino zertxobait handiagoa da, aeronautikaren sektorearen jarduera onari eta gastu publikoa handitzeari esker, baita urteko lehen erdian izandako inbentario-pilaketa nabarmenari esker ere. Ziurgabetasun politikoa eta aurrekontu arlokoa, parlamentu oso zatikatuarekin batera, jardueraren aurrerapen indartsuagoa oztopatzen ari dira. Hazkundearen ekarpenik handiena barne-eskaritik dator, esportazioak hozten ari diren testuinguru batean.

Italiako BPGak urte arteko % 0,7ko hazkundera izan du 2025ean. Hazkunde hori ere apala da, baina 2024an izandako % 0,6koa hobetu du. Barne-eskariaren bilakaera positiboak jardura bultzatu du; eta kanpo-eskariak, berriz, ekonomiaren aurrerapena oztopatu egin du. Gobernu iparramerikarrak ezarritako muga-zergen inaktuak eragin oso negatiboa izan du Italiako kanpo-sektorean, kontuan hartuta EEBBak direla (EBko ingurunea izan ezik) herrialdeko produktuentzako merkatu nagusia, Italiako ondasunen esportazio guztien ia % 11,0 jasotzen baitu.



Euroguneko ekonomia handien artean, Espainia berriro nabarmendu zen % 2,8ko aurrerapenarekin (aurrerapen hori barne-eskari sendo batek eta lan-merkatu erresistente batek eutsi zuten).



Epe laburreko aurreikuspenak

NDFk bere urtarrileko Eguneratzearen txostenean aurreikusi duenez, munduko hazkundera erresiliente mantenduko da 2026an % 3,3 inguruan eta 2027an % 3,2 inguruan (2025eko % 3,3aren ildotik, beraz). Hazkunde horiek % 3,7ko batezbesteko historikoaren (2000-2019 aldia) azpitik egongo lirateke. Zenbatespen horiek 2026rako goranzko berrikuspen txiki bat dakarte, eta 2027rako aldaketarik ez, 2025eko urrian argitaratutako Munduko Ekonomiaren Aurreikuspenetan adierazitako zifrekin alderatuta.

Bilakaera irmoa da; eta bilakaera irmo hori indar dibergenteen (baina orekatu egiten diren indarren) emaitza da. Hala, merkataritza-politiketan izandako aldaketatik etorritako kontrako haizea ahuldu egin da teknologiarekin —bereziki adimen artifiziala (AA)— lotutako inbertsioa handitzetik (batez ere Ipar Amerikan eta Asian) datorren aldeko haizearen ondorioz, eta baita laguntza fiskal eta monetarioagatik, finantza-baldintza oro har moldakorregatik eta sektore pribatuaren moldagarritasunagatik ere.

Prezioei dagokienez, aurreikusten da munduko inflazio-maila orokorra jaitsi egingo dela 2025erako aurreikusitako % 4,1etik 2026rako aurreikusitako % 3,8raino eta 2027rako aurreikusitako % 3,4raino. Inflazioaren aurreikuspenak ere ia aldaketarik gabe mantendu dira urrikoekin alderatuta, eta pentsarazten dute inflazioa helburu gisa ezarritako mailara Estatu Batuetan beste ekonomia nagusietako batzuetan baino modu mailakatuagoan itzuliko dela.

Perspektiba horiek kontrako faktoreen eraginpean daude. Horien artean, NDFk aipatzen du AArekin lotutako produktibitatearen igoerari buruzko espektatibak berriz ebaluatzea, eta horrek inbertsioaren gainbehera ekar lezake eta finantza-merkatuan bat-bateko zuzenketa abiarazi; bat-bateko zuzenketa hori AAren sektoreko enpresetatik beste segmentu batzuetara hedatuko litzateke, eta horrek etxeetako aberastasuna murriztea ekarriko luke. Gainera, tentsio komertzialek gora egin lezakete, eta, ondorioz, ziurgabetasuna luzatu eta jarduera gehiago oztopatu lezakete. Barne-gatazka politikoak edo gatazka geopolitikoak sor litezke; eta horiek munduko ekonomia aldatuko lukete, finantza-merkatuetan, hornidura-kateetan eta lehengaien prezioetan duten eraginagatik. Azkenik, defizit fiskalen handitzeak

eta zor publiko handiak epe luzeko interes-tasetan presioa egin lezakete, eta, era berean, baldintza finantzarioetan oro har.

Alde positibotik, AArekin lotutako inbertsioak jarduera gehiago bultza lezake, eta horrek produktibitatearen hazkunde nabarmenak eta enpresen dinamismo handiagoa lortzen lagundu lezake. Tentsio komertzialen baretze jarraituak ere lagundu liezaioke jarduerari. Egonkortasuna sustatzeko eta epe ertainerako hazkunde-aurreikuspenak modu iraunkorrean hobetzeko politikak honako hauetara bideratu behar dira: maniobra fiskaleko marjinak berrezartzea, finantza-egonkortasuna eta prezioen egonkortasuna zaintzea, ziurgabetasuna murriztea eta egiturazko erreformak atzerapen gehiagorik gabe egitea.

Ekonomia aurreratuetarako, % 1,8ko hazkunde-tasak aurreikusten dira 2026rako, eta % 1,7koak 2027rako.

Estatu Batuen kasuan, aurreikusten da 2026an ekonomia % 2,4 haziko dela, zerga-politikaren babesari eta moneta-politikaren interes-tasa baxuagoari esker, eta aldi berean merkataritza-oztopo handien eragina ere pixkanaka desagertuko dela. Hazkundearen datuak 3 hamarreneko goranzko berrikuspena dakar, urriko zenbatespenarekin alderatuta, 2025eko amaiera espero zena baino hobea izan zelako eta 2026ko lehen hiruhilekoan jarduerak espero bezala gora egin zuelako 2025eko azken aldiarekin alderatuta, gobernu federalaren itxiera amaitu ondoren eta dagozkion arraste-efektuen ondoren. 2027rako hazkunde % 2,0an irmo mantenduko dela aurreikusten da, 2025eko "Lege handi eta ederra" (One Big Beautiful Bill Act) delakoaren esparruan enpresa-inbertsiorako pizgarri fiskaletatik eratorritako epe laburreko bultzada fiskalari esker.

Eurogunean aurreikusten da 2026an hazkunde egonkor mantenduko dela % 1,3 inguruan eta 2027an % 1,4 inguruan, urriko iragarpenarekiko ia aldaketarik gabe. 2027ko gorakada txikia gastu publikoaren aurreikusitako igoerei egozten zaie (batez ere Alemanian), eta Espainiako eta Irlandako ekonomiaren aurrerapenaren sendotasunari. Hazkunde-tasa oso moderatuak izaten jarraitzen dute, eta konpondu gabeko egiturazko oztopoak islatzen dituzte. Teknologia bultzatutako inbertsioaren gorakadak, berriki gertatukoak, euroguneari beste eskualde batzuei baino mesede gutxiago egin dio. Era berean, Errusiak Ukraina inbaditzeaz geroztik energiaren prezioen etengabeko igoerak sortutako ondorio iraunkorrek manufaktura oztopatzen jarraitzen dute, antzeko produktuak esportatzen dituzten herrialdeetako monetekin alderatuta euroaren balio-igoera errealetik datozen beste presio batzuekin batera.

Gorabidean dauden eta garatzen ari diren merkatuetako ekonomien kasuan, 2026an eta 2027an hazkunde % 4,0koa izango dela aurreikusten da. Txinan, % 4,5eko hazkunde aurreikusten da 2026an, urriaren aldean ehuneko 0,3 puntuko goranzko berrikuspenarekin; hazkunde hori honako arrazoi hauengatik justifikatzen da: Estatu Batuek produktu txinatarren gainean dituzten muga-zergen tasa eraginkor txikiagoak izatea azaroan adostutako urtebeteko merkataritza-tregoarendorioz; eta ustez bi urtean zehar ezarriko diren pizgarri-neurriak. Hazkunde-tasa % 4,0raino dezeleratuko da 2027an, egiturazko oztopoak areagotu ahala. Indian, 2026an eta 2027an hazkunde % 6,4ra baretuko dela aurreikusten da, faktore ziklikoak eta aldi baterakoak desagertzen diren heinean.

Prezioei dagokienez, aurreikusten da munduko inflazioak jaisten jarraituko duela, eta inflazio orokorra % 3,8raino jaitsiko dela 2026an eta % 3,4raino 2027an.

Barne Produktu Gordina errealak: Aurreikuspenak
(Urteko aldakuntza tasa, %)

	2025	Aurreikuspenak	
		2026	2027
Mundua	3,3	3,3	3,2
Aurreratutako ekonomiak	1,7	1,8	1,7
Estatu Batuak	2,1	2,4	2,0
Euro gunea	1,4	1,3	1,4
Alemania	0,2	1,1	1,5
Frantzia	0,8	1,0	1,2
Italia	0,5	0,7	0,7
Espainia	2,9	2,3	1,9
Japonia	1,1	0,7	0,6
Erresuma Batua	1,4	1,3	1,5
Azaleratutako ekonomiak	4,4	4,2	4,1
Txina	5,0	4,5	4,0
India	7,3	6,4	6,4
Brasil	2,5	1,6	2,3
Mexico	0,6	1,5	2,1
Errusia	0,6	0,8	1,0

Iturria: Nazioarteko Diru Funtsak (NDF)- Eguneraketa WEO 2026-01

Europako Batzordeak (EB) udazkeneko bere aurreikuspen ekonomikoetan emandako zenbatespenei eusten die (aurreikuspen horiek 2025eko azaroan argitaratu ziren eta aurreko Egoeraren Aldizkarian jasota daude), horien eguneraketa posiblearen zain.

Munduko Bankuak argitaratutako Munduko Aurreikuspen Ekonomikoek adierazten dutenez, 2025ean zehar munduko ekonomiak erresilientzia nabarmena erakutsi du tentsio komertzialen igoeraren eta ziurgabetasun politikoaren aurrean. 2026rako, aurreikusten da munduko hazkundeak behera egingo duela pixka bat, 2025ean jasotako % 2,7tik % 2,6ra, faktore mesedegarri batzuk desagertu ahala. Bereziki, aurreikusten da merkataritzaren hazkundera ahuldu egingo dela enpresek inbentario-pilaketa murriztu ahala eta muga-zergen ondorioak areagotu ahala.

Gorabidean dauden eta garatzen ari diren merkatuetako ekonomiek ere aurreikusitakoa baino erresilientzia handiagoa erakutsi zuten aurreko ekitaldiko merkataritza-zailtasunekiko, baina eskualdeen arteko perspektibek desberdinak izaten jarraitzen dute.

Mundu mailako aurreikuspenetarako epe laburreko arriskuei dagokienez, arrisku horiek beheranzko joeran daude. Hazkundera geldiaraz liteke merkataritza-tentsioak areagotzen badira, oztopoak are gehiago handitzen badira edo finantza-merkatuaren konfiantza okertzen bada aktiboen prezioen beherakadaren, kezka fiskalen edo inflazioaren inguruko ezustekoen ondorioz.

Alde positibotik, AArekin lotutako jarduera heda liteke, eta enpresek merkataritza-baldintza berrietarako duten moldagarritasunak hazkundera bultzatzea.

2027an espero da merkataritzaren hazkundera sendotu egingo dela, merkataritza-fluxuak muga-zergen igoeretara hobeto egokitzen diren heinean eta ziurgabetasun politikoa murrizten den heinean.



Espero da munduko merkataritzaren ahultzeak eta ekonomia garrantzitsu batzuen dezelerazioak eragina izango dutela energiaren eta industriako lehengaien eskarian. Aurreikusten da petrolio gordinaren prezioek behera egingo dutela eskaria moteldu ahala eta Lurralde Petrolio Esportatzaileen Erakundeak eta beste ekoizle batzuek gordinaren eskaintza handitu ahala; hala, petrolio-merkatuek eskaintzaren gehiegizko nabarmenari aurre egin beharko diote. Bitartean, industria-metalen prezioak moteldu egingo dira, neurri batean, energia berdearen eskariaren ondorioz; eta horrek konpentsatu egingo du, neurri batean, industria- eta manufaktura-jardueraren hazkunde ahula.

Prezioei dagokienez, inflazioa baretu egin da herrialde gehienetan, eta banku zentralen helburuetara hurbildu da. Estatu Batuetan, muga-zergen tasen hazkundeak inflazioa pixka bat handitzen lagundu bazuen ere, eragina arindu egin zen, besteak beste, ondasun-pilatzeagatik. Munduko inflazioak jaisten jarraituko duela aurreikusten da, nahiz eta muga-zergen etengabeko ondorioek ekonomia nagusien arteko aldakuntza handiagoa bultzatuko duten. Mundu mailan aurreikusitako desinflazioak hainbat indar islatzen ditu (besteak beste, lan-merkatuen ahultzeak ekonomia askotan duen eragina, nazioarteko merkataritzarako gai diren ondasunen eskari moderatua eta energiaren prezioen jaitsiera).

ESPAINIAKO EGOERA

Espainiako ekonomiak gainditu egin ditu hasierako espektatibak. % 2,8 hazi da 2025ean, barne-eskariaren bultzadari esker, eta Europako kideen oso gainetik dago. Hala, Gobernuaren azken aurreikuspenetara hurbiltzen ari da, % 2,9 kalkulatu baitzuten.

EINren Hiruhileko Kontabilitate Nazionalaren (HKN) aurrerapenaren arabera, Espainiako ekonomiaren BPGd-a % 0,8 hazi da 2025eko laugarren hiruhilekoan aurrekoaren aldean, aurreko hiruhilekoan baino bi hamarren gehiago.

Urtetik urtera % 2,6ra igo da, 2024ko urria-abenduaren aldean, aurreko hiruhilekoan baino hamarren bat gutxiago; eta puntu bat baino gehiago murriztu da, duela urtebete baino % 3,7 gutxiago. Hala, BPGaren hazkunde-erritmoa moteldu egin da 2025ean; izan ere, lehenengo hiruhilekoan urtetik urterako % 3,0rekin hasi zen ekitaldia. 2025. urte osoko BPGak % 2,8ko hazkundea izan du, 2024an baino zazpi hamarren gutxiago (% 3,5), eta eurogunean erregistratutakoa (% 1,5) baino handiagoa izaten jarraitzen du.

Barne-eskaria Espainiako ekonomiaren motorra izan da beti, eta horrek eragin dio urteko hazkundeari (3,6 puntu; kanpo-eskaria: -0,8). Gauza bera gertatu da laugarren hiruhilekoa bakarrik aztertuz gero (3,6 puntuko ekarpena barne-eskarian eta -1,0 puntu kanpo-eskarian). Eskaintzaren ikuspegitik, sektore handi guztiek dituzte tasa positiboak balio erantsian, lehenengo sektoreko adarrek izan ezik. Aipagarria da industria-adarren gorakada, % 2,8 hazi baitira, eta, horien artean, manufaktura-industria % 2,0 hazi da.

Enpleguak, lan egindako orduei erreparatuta, % 2,2 egin du gora urte batetik bestera, eta % 1,2 egin du gora hiruhileko batetik bestera.




Barne-eskaria

Eskari nazionala da BPGaren hazkundera bultzatu duen aldagaia. Azken hiruhilekoan, azken kontsumoko gastua pixka bat bizkortu da, eta kapital-eraketa gordinaren hazkundera moteldu egin da.

2025eko laugarren hiruhilekoan eta urtetik urtera, azken kontsumoko gastuaren hazkundera hamarren bat handitu zen, hirugarren hiruhilekoko % 2,8tik % 2,9ra. Bai etxeetako azken kontsumoaren urtetik urterako aurrerapena, bai Administrazio Publikoena, hamarren bat handitu dira aurreko hiruhilekoaren aldean: % 3,2tik % 3,3ra eta % 1,6tik % 1,7ra, hurrenez hurren.

Bestalde, kapital-eraketa gordina ez da iritsi aurreko hiruhilekoko % 8,2ra, baina urte arteko % 6,5era iritsi da. Aktibo finko materialetan egindako inbertsioak % 7,0 egin du gora urtetik urtera. Etxebizitzek eta beste eraikuntza batzuek goranzko joerarekin jarraitzen dute, eta % 7,6ra iritsi dira (2025eko urtarriletik martxora % 2,6ra iritsi ondoren, hiruhileko guztietan hobetu da). Makina, ekipo-ondasun eta armamentu-sistemak, berriz, nabarmen moteldu dira, eta % 11,7etik % 5,8ra jaitsi dira.

2025ean, osotasunean eta urtetik urtera, azken kontsumoko gastua % 3,0 handitu da, eta aurreko urteko datua berdindu da; inbertsioa, berriz, % 6,4 handitu da, eta nabarmen hobetu da 2024ko % 4,7a.



Kanpoko eskaria

Kanpoko sektorean, esportazioen eta inportazioen hazkundera bizkortu egin da 2025eko azken hiruhilekoan. Urtearen amaieran ekarpen negatiboa egin dio BPGaren hazkunderari (-% 0,8).

HKNren aurrerapenari erreparatuta, 2025eko laugarren hiruhilekoan Espainiako ekonomiaren kanporako salmenten urtetik urterako tasa % 3,5 izan zen, hau da, hirugarren hiruhilekoan baino zazpi hamarren gehiago (% 2,8) eta duela urtebete baino hiru hamarren gehiago (% 3,2). Zerbitzuen esportazioek gora egin dute berriz ere, ondasunena baino askoz

tasa handiagoarekin, % 7,7 eta % 1,2, hurrenez hurren; hala ere, datu horiek erakusten dute lehenengo kasuan moteldu egin direla (% 7,9 aurreko hiruhilekoan eta % 8,8 aurreko urtean) eta bigarren kasuan hobetu egin direla (% 0,1 aurreko aldiaren eta % 0,5 aurreko urtean).

Inportazioek, berriz, % 6,9ko bariazioa izan zuten, eta kasu honetan ere aurreko hiruhilekoko datua hobetu zen (% 6,7) eta, neurri handiagoan, aurreko ekitaldiko azken hiruhilekoko (% 4,4).

Era berean, hiruhileko arteko datuen arabera salmentak eta kanpora egindako erosketak areagotu dira, % 0,8 eta % 1,4, hurrenez hurren. Aurreko hiruhilekoko datuak ere hobetu egin dira (esportazioek -% 0,7 egin zuten eta inportazioek % 1,3).

Inportazioek esportaziorik izan dituzten hazkunde handi horien ondorioz, kanpo-sektoreak ekarpen negatiboa egin dio BPGaren hazkundeari ekitaldi osoan (-0,8 puntu), eta urtetik urtera % 6,3 hazi dira inportazioak eta % 3,4 esportazioak.

Bi hiruhilekotan behera egin ondoren, Espainiako esportazioen hazkundeak gora egin du urteko azken aldiaren, eta % 1,1 hazi da, Merkataritzako Estatu Idazkaritzaren (MEI) datuen arabera.

Merkataritzako Estatu Idazkaritzaren (MEI) arabera, Espainiako esportazioek 98.752,3 milioi euroko balio nominala izan dute urritik abendura, hau da, urte batetik bestera % 1,1 hazi dira. Hala, aurreko bi hiruhilekoetan kanpo-salmentetan izandako beherakada geldiarazi da (-% 0,4 eta -% 0,6ko tasak).

Inportazioei begiratuta, balio absolututan 114.700,4 milioi euro erregistratu dituzte, eta, hirugarren hiruhilekoan % 4,1 hazi ondoren, hazkundera moteldu egin da, eta urtea % 3,5eko tasarekin amaitu dute azken hiruhilekoan.

Hala eta guztiz ere, eta nazioarteko ziurgabetasun-egoeran, 2025ean aurrera egin dute esportazioek eta, neurri handiagoan, inportazioek.

2025 osoan Espainiako esportazioak ez dira iritsi 2022ko maximo historikoetara, 387.091,6 milioi eurora iritsi baitira, orduan baino 2.117,3 milioi gutxiago, baina % 0,7 egin dute aurrera, aurreko urtean baino puntu erdi gehiago (% 0,2). Energia-esportazioek ez dute aurrera egin oraindik, eta, aurreko urtean -% 7,6 jaitsi ondoren, -% 13,7 jaitsi dira 2025ean, eta, hala, hiru jaitsiera-ekitaldi izan dituzte jarraian; ez-energetikoen (guztizkoaren % 93,7), berriz, % 1,8 egin dute gora.

EBra egindako esportazioak aurreko urteko jaitsiera (-% 0,9) gainditu eta 2025ean urtetik urtera % 0,6 hazi dira; munduko gainerako lekuetara egindakoak, berriz, moteldu egin dira: 2024an % 1,9 hazi ziren eta 2025ean % 0,9.


Esportazio-sektore nagusien artean, 2025ean erdimanufakturak % 3,4 hazi dira (guztizkoaren % 26,7); ekipo-ondasunak % 0,8 (kuotaren % 19,4); elikagaiak % 4,1 (guztizkoaren % 19,3); eta kontsumo-manufakturak % 3,8 (esportazio guztien % 9,2). Datu



negatiboak dituzten bi sektore bakarrek automobilgintza (-% 7,1; guztizkoaren % 12,8) eta produktu energetikoak dira (-% 13,7; % 6,3ko kuota).

Espainiako inportazioek, 2024an % 0,1 hazi ondoren, urtea % 4,6rekin amaitzea eta bizkortzea lortu dute. 2025ean 444.146,4 milioi eurora iritsi dira, hau da, 2024an baino 19.405,6 milioi gehiago. Igoera hori ez da 2022ko zifrara iristen (457.321,2 milioi), sektore ez-energetikoa dela eta (kanpoko erosketa guztien % 87,9); izan ere, % 6,7ko igoera horrek energia-sektorearen -% 8,5eko atzerapena konpentsatzen du.

Sektore guztietako inportazioek gora egin dute, produktu energetikoenak (datu hori arestian aipatu dugu) eta lehengaiak izan ezik (-% 0,1 egin dute behera; inportazioen % 2,8 baino ez dira izan). Sektore nagusiaren erosketak, ekipo-ondasunak (inportazio guztien % 23,7), % 9,5 hazi ziren; erdimanufakturak (gustizkoaren % 23,3), % 4,8; eta elikagaiak (% 13,0ko pisu erlatiboa), % 7,0 hazi ziren.



Inportazioak esportazioak baino gehiago handitzearen ondorioz, merkataritza-saldo negatiboa asko handitu da (%41,7), eta defizita -57.054,8 milioi eurokoa izan da (-40.275,9 milioi 2024an). Estaldura-tasa (esportazioen eta inportazioen arteko zatidura) 2024ko % 90,5etik % 87,2ra murriztu da 2025ean.

Eskaintza

Sektore guztiek lortu dute haztea 2025ean. Nabarmentzekoak dira industriaren aurrerapena, finkatu egin baita, eta eraikuntzarena, hazkunderik onena izan duen adarra baita.

Eskaintzaren ikuspegitik eta urtetik urtera, HKNk 2025eko laugarren hiruhilekorako egin dituen aurrerapenen datuek erakusten dute hobekuntza egon dela sektore guztietan, lehenengo sektorearen adarretan izan ezik.




Urritik abendura, zerbitzuen sektorea % 2,8 hazi da. Aurreko urteko aldi berean % 4,1 erregistratu zenetik, hazkundera motelduz joan da hiruhilekoz hiruhileko 2025ean (% 3,7, % 3,2 eta % 3,0).

Europa osoko zailtasunen testuinguruan, industria-adarren balio erantsi gordina % 2,8ko hazkundera egonkortu da, aurreko hiruhilekoaren parean, eta, horien barruan, manufaktura-industria % 2,0 hazi da, aurreko hiruhilekoan baino 6 hamarren gutxiago (% 2,6).

Eraikuntzaren balio erantsi gordinak, hirugarren hiruhilekoan % 7,9 izan ondoren, pixka bat moteldu bada ere, sendo jarraitzen du aurrera, eta % 7,2 lortu du 2024ko laugarren hiruhilekoaren aldean. Azkenik, lehenengo sektorearen adarrek, pisu erlatibo eskasekoak, -% 1,3 egin dute behera, eta hirugarren hiruhilekoan izandako beherakadarik handiena (-% 2,7) arindu dute.

2025. urte osorako hazkunde-zifrek erakusten dute hobekuntza izan dela industriaren sektorean (% 2,3 hazi da, aurreko urteko % 1,9ren aldean), baita eraikuntzan ere (% 4,8tik % 5,6ra igaro da 2025ean). Bestalde, zerbitzuen sektorearen hazkundera moteldu egin da, eta % 3,2n geratu da 2025ean (% 4,0n 2024an); nekazaritza, berriz, % 10,8tik % 0,5era jaitsi da 2025ean.



Lan-merkatua

Enpleguak gora egiten jarraitzen du, eta 2025ean beste marka historiko batera iritsi da. Azken urteetan gertatutakoarekin bat eginda, Espainiako ekonomiak biztanleria aktiboaren hazkundera xurgatzea lortu du, eta, hala, langabezia-tasa jaitsi egin da azken urtean.

Hiruhileroko kontuen aurrerapenaren datuek adierazten duten bezala, ekonomiaren arloko enplegua, lan egindako orduei dagokienez, % 2,1 igo da 2025ean (2024an lortutako % 2,2ren hamarren bat azpitik). Hiruhilekotan, udan % 2,6 handitu ondoren, azken hiruhilekoan % 2,2 hazi zen.



Sektoreka, eraikuntzak izan du hazkunderik handiena 2025ean (% 3,8), baina ez da aurreko urtean izandako % 4,5era iritsi. Aipagarria da industriaren hobekuntza, puntu bat igo baita 2025ean, % 1,9tik % 2,9ra. Zerbitzuak, bestalde, % 1,9 hazi dira (aurreko ekitaldian % 2,3), eta lehenengo sektoreak, pisu erlatibo txikikoak, 2024an -% 2,9 murriztu ondoren, zertxobait aurreratzea lortu du 2025ean (% 0,5).

Lanaldi osoko lanpostu baliokideetan neurtutako enpleguak (lanaldi osoko lanpostuetan egindako batez besteko lanaldian lan egindako orduen kopurua) % 3,1 egin du gora urte osoan, eta 2024ko % 2,8ko igoera gainditu du. Lau hiruhilekoz jarraian bizkortu ondoren, 2025eko azkenengoan apur bat moteldu eta ekitaldia % 2,8rekin bukatu du, lehenengo hiruhilekoan urtea hastean zuen datu bera.

Azken hiruhilekoan hazkunde-erritmoa moteldu bada ere, lan-merkatuak indartsu dirau. Balio absolutuetan, 2025 osoan lanaldi osoaren baliokide den enpleguak 20.913.900 milioi euro izan dira, eta urteko hirugarren eta laugarren hiruhilekoan 21 milioi euro baino gehiago.

BAIren datuek berretsi egiten dute hiruhileko kontuek aurreratutako 2025eko enpleguaren martxa ona, eta urtea enplegu-errekorrarekin eta % 9,9ko langabezia-tasarekin amaitu da urritik abendura, 2008ko hasieratik izandako txikiena.


Biztanleria landuna % 2,6 handitu da 2025ean, duela urtebete baino lau hamarren gehiago (% 2,2); biztanleria aktiboa, berriz, % 1,7 handitu da. Horrela, 2025ean ere errekor historikoa lortu da: lehenengo aldiz 22 milioi landunetik gora daude (22.221.100 pertsona).

Sektoreka, eta Hiruhileko Kontuen aurrerapenaren datuekin bat etorritik, eraikuntzako enplegua areagotu da gehien (% 4,5). Industrian, berriz, 2024ko datua (% 2,6) puntu eta erdi hobetu da eta % 4,1eraino igo da. Zerbitzuetako enplegua, bestalde, % 2,2 hazi da, aurreko urteko datua berdinduta; lehenengo sektorearen adarrena, berriz, % 1,5 hazi da, eta aurreko hiru ekitaldietan izandako beheranzko joera amaitu da.

Aurreko hiruhilekoaren aldean, BAIren datuen arabera, urte amaieran -% 0,2 egin du behera biztanleria aktiboak. Enpleguari erreparatuta, 2025eko laugarren hiruhilekoa 22.463.300 landunekin bukatu da, udaldian baino 76.200 landun gehiagorekin, hau da, hiruhileko artean % 0,3 handitu da.

2025a 2.477.100 langaberekin amaitu da laugarren hiruhilekoan; beraz, urtebetean 118.400 langabetu gutxiago daude (-% 4,6). Langabezia-tasa % 9,9 da, eta azken urtean zazpi hamarren jaitsi da (% 10,6 2024ko laugarren hiruhilekoan).

Generoaren arabera, urritik abendura bitartean, gizonezkoen langabezia-tasa zazpi hamarren jaitsi da aurreko urtekoaren aldean, eta % 8,8ra iritsi da. Emakumezkoen tasa handiagoa da, eta gizonezkoena baino gutxiago gutxitu da (sei hamarren), % 11,2raino.



Gizarte Segurantzako afiliazioei buruzko datuak ere lan-merkatu sendo baten isla dira; izan ere, ohikoak diren urtarrila eta abuztuko salbuespenez gain eta azaroko beherakada txiki bat kenduta, hilabetez hilabete gora egin dute 2025.urtearen amaierara arte, azken hiruhilekoan 21.836.413 afiliaturekin bukatu arte (% 2,4ko igoera, eta duela urtebete baino 500.000 afiliatu gehiago).

Estatuko Enplegu Zerbitzu Publikoko (EEZP) datuak ere positiboak dira. Urte hasieran, urtarrilean, 2.599.400 pertsona zeuden izena emanda, eta abendua erregistratutako 2.408.700 pertsonarekin amaitu zen. Horrek esan nahi du langabezia erregistratuak -% 5,9 egin duela behera, aurreko urtean baino puntu erdi gehiago (-% 5,4).

Prezioak eta ordainsariak

HKNren aurrerapenaren arabera, prezio arrunten BPGd-a urte arteko % 6,6ko tasara igo da urritik abendura, hirugarren hiruhilekoan baino puntu bat gehiago (% 5,6) eta 2024ko aldi berean baino sei hamarren gehiago (% 6,0).

Hala, BPGaren deflatore inplizituak, ekonomiaren prezioen igoeraren erritmoa neurtzen duenak, % 3,8ko urtetik urterako aldakuntza izan du. Eraitza hori aurreko hiruhilekoan kalkulaturako deflatorea baino puntu bat handiagoa da. Hiruhileko arteko tasa % 2,1 handitu zen.

KPlaren urteko tasak joera irregularra izan du 2025ean, baina 2025a % 2,9ko tasarekin bukatu du, hasieran bezala. Azpiko inflazioak, berriz, gorabehera txikiak izan ditu ekitaldian, eta % 2,6an amaitu du urtea.

2025.urtearen amaieran, abenduan, Kontsumoko Prezioen Indizearen (KPI) urte arteko tasa % 2,9 zen (urtarrilean hastean izandako datu bera). Horrenbestez, etengabeko igoera eta jaitsiera txikien ondoren, % 3,0 inguruan egonkortu da, eta 2022ko udan lortutako balio




altuetatik urrun dago jada (% 10,0etik gorakoak izan ziren, batez ere erregaien, elektrizitatearen eta gasolioaren prezioetan izandako tentsio handien ondorioz).

KPlaren joera irregularra izan da 2025ean: baliorik handiena urriko % 3,1 izan da, eta gutxienekoa, berriz, % 2,0, maiatzean. Nabarmentzekoak dira abenduko tasa handiak etxebizitzetan (% 5,7), aseguru eta finantza zerbitzuetan (% 4,7), ostalaritzan (% 4,6) eta edari alkoholdunetan eta tabakoan (% 4,4).

Autonomia erkidegoei erreparatuta, Madrilek (% 3,7) eta Ceutak (% 3,5) izan dituzte urteko KPI-tasarik handienak, eta Murtziak (% 2,4) eta Kataluniak (% 2,5) txikiak.

KPI harmonizatuak nazioarteko konparazioak egiteko aukera ematen du, eta Espainiaren urteko aldakuntza-tasa % 3,0 da, euroguneko % 2,0ren gainetik.



Etorkizuna epe labur eta ertainera

Estatu Batuetako administrazioaren politika protekzionistek eta egoera geopolitiko orokorrak markatutako ziurgabetasun-testuinguru batean, erakunde gehienek uste dute Espainiak inguruko ekonomiek baino hazkunde handiagoa izango duela.

Nazioarteko Diru Funtsak, urtarrilean egindako Munduko ekonomiaren perspektibak txostenaren azken eguneraketan, % 2,9an mantendu du 2025erako Espainiaren hazkundearen kalkulua, eta hiru hamarren igo du 2026ko aurreikuspena, % 2,0tik % 2,3ra. 2027rako, % 1,9 proiektatzen du.

Espainiako ekonomiaren hazkundera euroguneko batezbestekorako kalkulaturakoa baino handiagoa izango litzateke; izan ere, aurtan % 1,3koa izango litzateke, eta 2027an % 1,4ra handituko litzateke. Ekonomia aurreratu guztiek 2026an izango duten hazkundearen aurreikuspena ere hobetu egin da (% 1,8), baita 2027koa ere (% 1,7).

Europako Batzordeak ez ditu oraindik neguko Aurreikuspen Ekonomikoak argitaratu, beraz, 2025eko udazkenean emandakoak mantentzen dira. Kalkuluen arabera, Espainiako ekonomiak nabarmen egingo zuen aurrera 2025ean, % 2,9an kokatuta, eta, gero, pixkanaka, moteldu (%2,3 2026an eta %2,0 2027an). Jarduera ekonomikoa barne-eskariak bultzatuko zuela aurreikusi zuen, eta kontsumo pribatuari eutsiko zioten lan-merkatuan emaitza onak izaten jarraituko zuela eta inbertsioak ere lagunduko zuela. Aitzitik, espero zuen esportazio garbiek zertxobait negatiboki eragingo ziotela BPGaren hazkunderari 2025ean eta 2026an, esportazioek bilakaera txikiagoa izan zutelako eta inportazioek hazkunde jarraitua izan zutelako, 2027an marjinalki positibo bihurtu baino lehen.

Espainiako Bankuak ere ez ditu oraindik argitaratu martxoko proiektzio makroekonomikoak (Espainiako Ekonomiaren Hiruhileko Txostena). Abenduan argitaratu zuen azken txostenean, iraileko aurreikuspenak hiru hamarren hobetu zituen 2025erako (% 2,9raino), lau hamarren 2026rako (% 2,2raino) eta bi hamarren 2027rako (% 1,9). Aitzitik, 2025erako aurreikusicatkoa baino inflazio handiagoa espero zen, % 2,5etik % 2,7ra eta 2026rako lau hamarren handiagoa (% 2,1). 2027rako, berriz, proiektzioa puntu erdi murriztu zen, % 1,9raino.

Ekonomia Lankidetzeta eta Garapenerako Antolakundeak (ELGA), Ekonomia Aurreikuspenen abenduko azken eguneraketaren arabera, uste du, 2025ean % 2,9 hazi ondoren, 2026an % 2,2ra eta 2027an % 1,8ra jaitsiko dela hazkunde ekonomikoa.

Enpleguaren sorrera sendoak eta soldata errealean hazkundeak kontsumo pribatua sustatzen jarraituko dute; aldiz, inbertsio-hazkundearen oinarri izango dira Suspertze, Eraldatze eta Erresilientzia Plana (SEEP) etengabe ezartzea eta finantzaketa-kostuak murriztea. Hala ere, esportazioen hazkundera moteldu egingo da, merkataritza-bazkide nagusien eskaria txikiagoa izango delako eta turismoaren normalizazio graduala gertatuko delako.

Azkenik, urtarrilean, Funcasek bere Aurreikuspenen Panela eguneratu zuen, eta 2026rako hazkundera % 2,2an finkatu du, azaroan argitaratutako aurreko panelaren aurreikuspena

baino hamarren bat gorago. Eskari nazionalak ehuneko 2,5 puntu emango dizkio BPGaren hazkundeari —aurreko adostasun-aurreikuspenarekin alderatuta, bi hamarren gehiago—, eta kanpoko sektoreak hiru hamarren kenduko dizkio. Desazelerazioa inbertsioak eragingo du (batez ere makineriak eta ekipo-ondasunek) eta, neurri txikiagoan, etxeetako kontsumoak. Kontsumo publikoak, berriz, indar handiagoa izango du, eta kanpo-sektoreak hazten jarraituko badu ere, 2025ean baino gutxiago haziko da.

Inflazioari dagokionez, gorantz berrikusi da 2026rako prezioen indizea, hamarren batean, % 2,2raino. Azpiko inflazioak ere hamarren bat igo du aurreikuspena, % 2,3raino.

Espainiarako aurreikuspen ekonomikoak - 2026ko Urtarrila

Urteko batezko besteko aldakuntza %

	BPGd	
	2025	2026
Nazioarteko finantzen analistak (NFA)	2,9	2,2
BBVA Research	2,9	2,4
CaixaBank Research	2,9	2,1
Espainiako Merkataritza Ganbera	2,9	1,9
Madrilgo Ekonomia Ikasketen Zentroa (CEEM-URJC)	2,9	2,4
Aurreikuspen ekonomikoaren Zentroa (CEPREDE-UAM)	2,8	2,2
CEOE	2,9	2,3
Ekonomia Taldea (Et)	2,9	2,5
EthiFinance Ratings	2,9	2,3
Funcas	2,9	1,9
Ekonomia Analisten Institutu Konplutensea (ICAE-UCM)	2,9	2,3
Ekonomia Ikasketen Institutua (IEE)	2,9	2,1
Intermoney	2,9	2,2
Mapfre Economics	2,9	1,9
Metyis	2,9	2,3
Oxford Economics	2,9	2,6
Repsol	2,9	2,2
Santander	2,8	2,2
Universidad Loyola Andalucía	2,8	2,4
ADOSTASUNA (BATEZ BESTEKOAK)	2,9	2,2
Maximoa	2,9	2,6
Minimoa	2,8	1,9

Iturria: Funcas (2026ko urtarrila)

EAE-KO EGOERA

2025ean, euskal ekonomiak hazkundera sendotu du, % 2,3ko aurrerapenarekin. Jarduera ekonomikoak bilakaera positiboa izan du, eta gero eta trazio handiagoa izan du ekitaldian zehar, tentsio geopolitikoek, merkataritza-gatazkek eta Europako hazkunde moderatuak markatutako testuingurua gorabehera.

Eustaten Hiruhilekoko Kontu Ekonomikoen (HKE) arabera, Euskal Autonomia Erkidegoko BPGak % 2,4ko urte arteko hazkundera izan du urritik abendura, 2024ko aldi berarekin alderatuta, eta datu hori bat dator joan den urtarrileko aurrerapenean argitaratutako zenbatespenarekin. Hiruhilekoko bilakaera horrek erakusten du jarduera ekonomikoa pixkanaka indartzen ari dela ekitaldian zehar. Urtarrila eta martxoa bitartean urte arteko % 2,1eko igoerarekin hasi ondoren, hazkundearen erritmoa pixkanaka areagotu da, bigarren hiruhilekoan % 2,2ra eta hirugarrenean % 2,3ra iritsiz, azken hiruhilekoan aipatutako % 2,4arekin amaitzeko.

Laugarren hiruhilekoan Euskadiko ekonomiarako zenbatetsitako urte arteko hazkundeak azken zenbatespena gainditu du Europar Batasun osorako (% 1,4) eta Eurogunerako (% 1,2), baita Estatu Batuetako ekonomiari dagokiona ere (% 2,2). Hala ere, Espainiako

ekonomiarako aurreikusitako hazkundera (% 2,6) baino bi hamarren txikiagoa da, behin betiko datuek kontrakoa zehaztu ezean.


Hiruhilekoen arteko datuei dagokienez, azken hiruhilekoan jaitsiera txiki bat izan da, BPGa % 0,5 hazi baita laugarren hiruhilekoan, hirugarrenean izandako % 0,6ko igoeraren aurrean. Aurreko hiruhilekoetan, gorakada % 0,5ekoa izan zen bigarrenean eta % 0,7koa lehenengoan.

2025ean, oro har, BPGak % 2,3 egin du gora, Eustatek urtarrilean argitaratutako aurrerapen-agirian aurreratutako aurreikuspenaren ildotik. Barne-eskaria da hazkunderaren eragile nagusia, BPGa baino hazkunde handiagoarekin; aldiz, kanpo-sektorearen ekarpena negatiboa da, inportazioak esportazioak baino proportzio handiagoan hazi direlako.

Euskal ekonomiak erresilientzia handia erakutsi du 2025ean, eta inguruko ekonomia askok baino jarduera hobea izan du, baina ezin izan da munduko testuinguru ekonomikoan dauden tentsioetatik bereizi. Horrek azaltzen du 2025eko BPGa 2024an jasotakoa baino bi hamarren txikiagoa izatea (% 2,5) eta 2023an lortutakotik aldentzea (% 3,0).

Lurraldeka, 2025eko hazkundera homogeneoa izan da. Bizkaia eta Gipuzkoa izan ziren aurrerabidearen liderrak, % 2,3ko hazkunde berarekin, eta, ondoren, Araba (% 2,2).

Enpleguak datu positiboak ematen jarraitzen du. Lanaldi osoko lanpostu baliokideetan neurtuta, laugarren hiruhilekoan eta urte arteko datuetan %1,4 egin du aurrera; horrek, balio absolututan, duela urtebete baino 13.408 lanpostu gehiago izatea dakar. 2025ean, oro har, 2024ko emaitza bikainak hobetzea lortu da, 13.928 enplegu gehiagorekin (+% 1,4).



Barne-eskaria

2025eko laugarren hiruhilekoan, barne-eskariaren agregatu guztiek aurrera egitea lortu dute, bai hiruhilekotik hiruhilekora, bai urtetik urtera. Kontsumo irmo baten eta inbertsio dinamiko baten konbinazioa erabakigarria izan da 2025ean hazkunde ekonomikoari eusteko.



Urritik abendura bitartean, barne-eskariak bere dinamismoari eutsi dio, % 3,2ko urte arteko aurrerapena izan du. Horrek esan nahi du udako hazkundera izan dela eta urtebete lehenago lortutako % 2,4a nabarmen gainditu dela. Hala ere, kanpo-sektoreak, ekitaldiko gainerako hiruhilekoetan bezala, ekarpen negatiboa egin dio laugarren hiruhilekoan BPGaren hazkundeari.

Hiruhileko arteko datuetan, azken hiruhilekoan amaierako kontsumoko gastuak dezelerazioa izan du (% 0,5), hirugarrenean izandako gorakadaren ondoren (% 1,0), eta berriz ere lehen bi hiruhilekoetan ikusitako mailetatik hurbil kokatu da (% 0,6 eta % 0,4, hurrenez hurren). Bestalde, kapital eraketa gordinak (KEG) % 0,6ko hazkundera izan du azken hiruhilekoan. Aurrerapen hori erdiko hiruhilekoen gorakada handitik urrun dago (% 2,1 eta % 1,8), eta lehen hiruhilekokoen antzeko tasetara itzuli da (% 0,7).

Urtetik urterako datuei dagokienez, azken kontsumoko gastua % 2,6 hazi da urritik eta abendura bitartean, ekitaldi osoan jasotako zifra (% 2,5) baino hamarren bat gehiago. Aurrerapenak, bai urtearen azken txanpan, bai ekitaldi osoan, familien gastuari erantzuten dio neurri handiagoan, administrazio publikoen gastu positiboari baino. Prezioen moderazioak eta zerbitzu publikoen funtzionamendu onak bultzatu dute portaera hori.

Kapital eraketa gordina % 4,0 hazi da 2025 osoan, eta % 5,2 laugarren hiruhilekoan. Inbertsioaren bi osagaiek antzeko bilakaera izan dute, bai urte artean, bai hiruhileko artean. Zehazki, ekipamenduko ondasunetan egindako kapital finkoko inbertsioak gora egin du urritik abendura, urte arteko % 5,2ko eta hiruhileko arteko % 0,8ko hazkunde-tasekin. Gainerako inbertsioak, eraikuntzaren bilakaerari lotuagoak, % 5,2ko urte arteko hazkundera izan du, eta, aurreko hiruhilekoarekin alderatuta, % 0,5ekoa.

Kanpo-eskaria

Kanpoko sektoreak euskal jarduera ekonomikoari bultzada kentzen jarraitu du, bazkide komertzial batzuen ahuleziagatik eta muga-zergen tentsioengatik. Hala ere, balio absolutuetan, Euskaditik kanpora egindako salmentek pandemiaren aurretik jasotakoak baino balio handiagoetan jarraitzen dute.

Eustaten HKEen datuen arabera, 2025ko laugarren hiruhilekoan ondasunen eta zerbitzuen esportazioek %0,6 egin dute gora urtetik urtera, eta inportazioek intentsitate handiagoarekin itxi dute, % 1,8rekin. 2025eko ekitaldian, guztira, EAEko kanporako salmentak % 0,4 hazi dira, eta inportazioenak, berriz, % 1,2. Datu horietatik ondorioztatzen da kanpo-sektoreak ekarpen negatiboa egin diola EAEko BPGaren hazkundeari 2025 osoan.

Hiruhilekotik hiruhilekorako datuei dagokienez, kanpotik egindako salmentek eta erosketek behera egin dute ekitaldiaren bigarren erdian, eta atzean utzi dira bigarren hiruhilekoan izandako % 2,6ko eta % 3,0ko igoera handiak. Zehazki, urteko azken aldian, bai esportazioek bai inportazioek -%0,4ko jaitsiera izan zuten, aurreko hiruhilekoaren aldean.

Merkataritzako Estatu Idazkaritzaren datuen arabera, 2025eko laugarren hiruhilekoan esportazioetan zein inportazioetan izandako jaitsiera aurreko hiruhilekoan izandakoa baino neurritsuagoa izan da.

EAEko esportazioek, pandemiaren ondorioz 2020an izandako beherakadaren ondoren, dinamismo nabarmenari eutsi diote 2023ko lehen hiruhilekora arte. Ordutik, bilakaera hiruhilekoko igoerekin eta jaitsierekin txandakatu da. 2025ean joera beheranzkoa izan da bigarren hiruhilekotik aurrera: urtariletik martxora urte arteko % 1,6ko igoera izan ondoren, kanporako salmentek -% 2,7ko aldakuntza negatiboa izan zuten bigarren hiruhilekoan eta -% 9,9koa hirugarrenean, eta laugarren hiruhilekoan -% 3,7ko jaitsiera neurritsuagoarekin itxi zuten urtea. Gorabeheratsuak izanagatik ere, EAEko esportazioen balio absolutuak pandemia aurreko zifren oso gaineratik daude oraindik.

2025ean, oro har, esportazioek -% 3,6ko beherakadarekin itxi dute ekitaldia. Jaitsiera hori gorabehera, kanpora egindako salmentak 29.844,5 milioi eurora iritsi dira. Zifra hori 2024an baino 1.118,1 milioi txikiagoa da, baina 2019ko erregistroa baino 4.455,6 milioi handiagoa (pandemia aurrekoa). Urtean zehar, esportazioen beherakadak eragin bera izan du bai Europar Batasunerako esportazioetan, bai munduko gainerako lekuetarako esportazioetan, -% 3,6ko aldakuntza izan baita bi kasuetan.

Esportazioen jaitsiera orokorra izan da, eta salmenta ez-energetikoei zein energetikoei eragin die. Produktu ez-energetikoen esportazioak, guztizkoaren % 95,6, -% 1,6 jaitsi dira. Bestalde, produktu energetikoen kanpo-salmentek atzerakada nabarmenagoa izan dute, -% 32,8ko jaitsierarekin eta guztizko bolumenaren % 4,4ko garrantzi erlatiboarekin.

Lurraldeka, 2025ean esportazioek aldakuntza negatiboak izan zituzten Bizkaian (-% 9,3) eta Araba (-% 3,1), Gipuzkoako bilakaera positiboarekin alderatuta (+ % 2,8).

Sektoreen arabera, 2025ean bilakaera desberdina ikusten da adar esportatzaile nagusien artean. Ekipamenduko ondasunek (kanporako salmenta guztien % 39,9) aldakuntza positiboa izan dute eta % 0,7ko urte arteko hazkundea izan dute. Hala ere, erdi-manufaktura (guztizkoaren % 24,7) eragin handiagoa du euskal ekonomiaren inguruko testuinguru ekonomiko konplexuak, eta -% 8,0 egin du behera. Bestalde, automobilgintzaren sektoreak (salmenten % 18,8) eremu negatiboan jarraitzen du, baina jaitsiera oso apala da, % -0,1ekoa. Aitzitik, elikagaiek (esportazio guztien % 6,2) % 13,6ko portaera hedakorra izan dute, eta 2024ko uzkurdura (- % 21,5) alderantzikatu egin da.

Inportazioei dagokienez, urtea positiboki hasi zen urte arteko % 5,9ko hazkundearekin urtarilaren eta martxoaren artean, eta hurrengo hiru hiruhilekoetan zifra negatiboak izan zituen (-% 8,2, -% 2,1 eta -% 1,1). Ondorioz, EAEtik kanpotik datozen erosketek -% 1,6ko uzkurdurarekin itxi dute ekitaldia, 2024an erregistratutako % 0,9ko hazkundearen ondoren. Balio absolutuetan, 2025eko inportazioak 26.604,9 milioi eurora iritsi dira, aurreko urtean baino 426,1 milioi gutxiago. Osaera kontuan hartuta, inportazio ez-energetikoak % 5,3 hazi dira; energetikoak, berriz (guztizkoaren %21,1), % -20,8 jaitsi dira, eta horrek mugatu egiten du euskal ekonomiaren kanpo-erosketen dinamismoa.



Lurralde historikoen arabera, Arabako eta Gipuzkoako inportazioen gehikuntzak % 11,0 eta % 4,4koak izan dira, hurrenez hurren; Bizkaiak, berriz, -% 8,6ko atzerakada izan du. Eremu geografikoen arabera, Europar Batasuneko inportazioak (% 2,4) hazi egin dira eta munduko gainerako herrialdeetakoak (% -5,3) ahuldu.

Esportazioen atzerakadaren intentsitatea inportazioena baino handiagoa denez, EAEko kanpo-merkataritzaren superabita -692,0 milioi euro murriztu da 2024koarekin alderatuta; hala, 3.239,7 milioi eurokoa izan da 2025ean. Ondorioz, estaldura-tasa (esportazioen eta inportazioen arteko zatidura) bi puntu baino gehiago jaitsi da urte batean, % 114,5etik % 112,2ra.

Eskaintza


Eskaintzaren ikuspegitik, Eustaten HKEen datuek adierazten dute jarduera-sektoreek urte arteko hazkunde positiboak izan dituztela, oro har, bai urteko laugarren hiruhilekoan, bai osotasunean, lehen sektorean izan ezik.

Euskadiko industriak (Europako gainerako ekonomietan bezala, ahulduta) hazkunde moderatua izan du 2025ean, eta urtea % 0,4ko aurrerapenarekin itxi du, 2024an lortutako % 2,0aren azpitik. Hiruhilekoaren analisiak erakusten du urte arteko hazkunde iraunkorra izan dela, ahula bada ere (% 0,4, % 0,1, % 0,2 eta % 0,9). Azken hiruhilekoa dinamismo handienekoa izan da, eta sektorea pixkanaka egonkortzen joan dela adierazten du. Hiruhileko arteko datuei dagokionez, industriak batere aurrerapenik gabeko lehen hiruhilekoarekin hasi zuen urtea; apirila eta ekaina bitartean, % -0,3ko jaitsiera izan zuen, eta azken bi hiruhilekoetan, % 0,4ko eta % 0,7ko igoerak izan ziren.

Eraikuntzaren sektorean, urte arteko hazkunde handiagoa izan da: balio erantsia % 4,9 igo da azken hiruhilekoan 2024ko azken hiruhilekoarekin alderatuta, eta % 0,4 aurreko hiruhilekoarekin alderatuta. 2025ean, sektorearen hazkundea % 3,7koa izan da, inbertsio produktiboak eta jarduera publiko eta pribatuak bultzatuta.

Zerbitzuen sektoreak, bestalde, hazkunde jarraitua izan du ekitaldian zehar, eta laugarren hiruhilekoan % 2,8ko hazkundea izan du urte arteko tasari dagokionez, eta % 0,5ekoa hiruhileko arteko tasari dagokionez. Sektorea osatzen duten hiru adarrek urte arteko bilakaera positiboa izan dute. Merkataritzaren, ostalaritzaren eta garraioaren adarra izan da dinamismoaren buru, % 3,2ko hazkundearekin urria eta abenduaren bitartean, aurreko hiruhilekoko % 3,5aren ondoren. Administrazio publikoak, hezkuntzak, osasunak eta gizarte-zerbitzuek % 2,1eko aurrerapena finkatu dute, eta aurreko aldiko tasa berari eutsi diote. Gainerako zerbitzuak, besteak beste, higiezin-jarduerak, jarduera profesionalak, zientifikoak eta teknikoak, bai eta finantza- eta aseguru-jarduerak ere, % 3,0 hazi dira, aurreko hiruhilekoan baino hamarren bat gehiago. Urteko zenbaketa orokorrean, hiru adarrek % 3,3, % 2,1 eta % 2,9ko hazkundeekin amaitu dute, hurrenez hurren.

Azkenik, lehen sektoreak pisu erlatibo txikia du Euskadin, eta % -1,2ko urte arteko uzkuradura izan du laugarren hiruhilekoan. Urte osoan, sektoreko jarduerak -% 0,6 egin du behera.



Lan-merkatua

Euskal ekonomiaren portaera ona agerian geratu da HKEen enplegu-zenbatespenetan. Enpleguaren sorrerak egonkor jarraitzen du, eta horrek, etxeko konfiantza indartzeaz gain, enpresek inbertitzeko eta proiektu berriak garatzeko gaitasunari eustea bermatzen du.

Eustaten Hiruhileko Kontuen arabera, 2025eko laugarren hiruhilekoan, enpleguak —lanaldi osoko lanpostu baliokideetan neurtuta— % 1,4 egin du gora urte arteko tasari dagokionez, aurreko aldiaren baino hamarren bat gutxiago. Horrela, milioi bat okupazio baino gehiago erregistratu da lehen aldiz, 1.004.214 enplegura iritsi baita.

Sektore guztietan, lehen sektorean izan ezik, enpleguak gora egin du 2024ko azken aldiarekin alderatuta. Gorakada handiena Eraikuntzan izan da (% 2,5), ondoren Zerbitzuetan (% 1,6) eta Industrian (% 0,2). Aitzitik, lehen sektoreak behera egin du (-% 1,5), baina eragina mugatua da, EAEko biztanleriaren okupazioaren % 1,1 hartzen baitu.

Hiruhileko arteko terminoetan, lanaldi osoko lanpostuak % 0,4 hazi dira, Zerbitzuetan (% 0,5), Industrian (% 0,1) eta Eraikuntzan (% 1,0) izandako aurrerapenak bultzatuta; lehen sektoreko atzerakadak (% -0,7), aldiz, ia ez du eraginik izan sektore osoan.

2025ean, guztira, 13.900 lanpostu gehiago egon ziren 2024an baino, hau da, % 1,4 gehiago urte batetik bestera.

EINen Biztanleria Aktiboaren Inkestaren (BAI) arabera, Euskal Autonomia Erkidegoan okupazioa % 0,8 igo da 2025eko laugarren hiruhilekoan, aurreko hiruhilekoarekin alderatuta, 8.400 landun gehiago baitaude. Aurrerapen hori sasoiko testuinguru mesedegarri batean gertatu da, Gabonetako kanpainak markatuta; izan ere, kanpaina horrek tradizionalki enpleguaren sorkuntza bultzatzen du lurraldean. Urtetik urterako datuen arabera, Euskadiko landunen kopurua % 2,9 hazi da, hau da, 28.700 landun gehiago azken urtean.



Bestalde, biztanleria aktiboak % 2,2ko urte arteko hazkundera izan du azken hiruhilekoan. Biztanleria aktiboaren hazkundera eta langabeen kopuruaren murrizketa (-% 6,2) konbinatuta, langabezia-tasak behera egin du 2025eko laugarren aldian, % 7,5, aurreko urtean baino zazpi hamarren gutxiago (% 8,2). Urte osoan, langabezia-tasaren bilakaerak ere balantze positiboa izan du. Hala, urteko langabezia-tasa % 7,3ra jaitsi da, 2024an baino zortzi hamarren gutxiago (% 8,1).

Langabezia-tasa txikiena duten autonomia-erkidegoen artean laugarren postuan (Asturiasekin batera) egon ondoren, EAEk postu bat berreskuratu du, eta, gaur egun, hirugarren postuan dago ranking autonomikoan. Kantabriak (% 6,8) eta Madrilgo Erkidegoak (% 7,0) soilik dituzte erregistro baxuagoak.

Generoaren arabera, urteko langabezia-tasaren murrizketa gizonen artean baino ez da kontzentratzen. Gizonen tasa ehuneko 1,5 puntu jaitsi da: 2024ko % 8,7tik 2025eko % 7,2ra. Aitzitik, emakumeen tasa ia estatikoa da, hamarren bateko igoera txiki batekin; beraz, urtebetean % 7,4tik % 7,5era igaro da. Bilakaera horrek aurreko arrakala lehengoratzen du, eta gizonen langabezia-tasa emakumeenaren azpitik uzten du.

Biztanleria Aktiboaren Inkestan ez bezala, Eustaten BJAk urteko hiruhileko guztietan erregistratzen du enpleguaren sorrera, eta, horrela, urteko okupazioaren hazkunde jarraitua islatzen du. Azken hiruhilekoan, okupazioa % 0,6 igo da, udaldian baino 6.000 landun gehiagorekin.

Aldi berean, biztanleria aktiboa urte arteko % 0,7 hazi da, eta langabeen kopurua -% 10,1 jaitsi da. Ondorioz, langabezia-tasa % 6,3 izan zen ekitaldiaren amaieran, aurreko urteko hiruhileko berean baino zazpi hamarren gutxiago.

2025ean, langabeen urteko batez bestekoa 69.250 pertsonatan kontabilizatu da; horrek esan nahi du jaitsiera nabarmena izan dela 2024ko datuarekin alderatuta (- % 12,9), urte horretan - % 4,0 jaitsi baitzen.

Generoa kontuan hartuta, eta EINen BAI inkestan bezala, BJAk emakumeen langabezia-tasa handiagoa dela kalkulatu du. 2025ean, emakumeen tasa % 6,8koa da, aurreko urtean baino puntu bat txikiagoa. Horrela, bi tasen arteko aldea mantendu egin da azken urtean, gizonezkoen tasa ere puntu bat jaitsi baita, % 6,1eraino.


Laugarren hiruhilekoan, Gizarte Segurantzako afiliazio-datuak, hileko batez bestekoan neurtuta, % 1,2ko urte arteko hazkundera izan dute, aurreko urteko aldi berean ikusitako tasa bera. Aurrerapen horrek 2025eko lehen hiru hiruhilekoetan erregistratutako igoerak gainditzeko ditu, eta ekitaldiaren itxieran hazkunde-erritmoa bizkortu dela berresten du. Hala, afiliazioak ibilbide hedakorra du, eta urte arteko igoerak jarraituak izan dira 2021eko bigarren hiruhilekotik.

Aurreko hiruhilekoarekin alderatuta, afiliatuen kopurua 19.000 inguru igo da, hau da, % 1,8ko gorakada izan du. Horrela, 2025eko balantze globalean, kotizatzaileen batez

besteko kopurua 1.024.160 da, 2024ko emaitza % 1,1 hobetuz, 10.737 afiliazio gehiagorekin.

Estatuko Enplegu Zerbitzu Publikoaren (SEPE) arabera, Euskadin 107.200 langabe erregistratu dira 2025eko laugarren hiruhilekoan, hau da, % 0,1eko igoera txikia aurreko hiruhilekokoarekin alderatuta. Horrela, jarraipena eman zaio aurreko hiruhilekoan ikusitako goranzko joerari, erregistratutako langabezia % 2,0 hazi baitzen apiriletik ekainera bitarteko aldiarekin alderatuta. Hala ere, 2024ko laugarren hiruhilekoaren aldean, erregistratutako langabezia -% 0,7 jaitsi da, urtean 700 langabe gutxiago baitaude. Testuinguru horretan, urritik abendura bitarteko langabezia-tasa % 9,4an kokatu da; horrela, bi hamarren hobetu ditu bai udaldiko emaitza, bai aurreko urteko aldi berekoa (% 9,6).

2025ean, oro har, langabezia -% 1,8 jaitsi da, 2024ko % 0,4ko igoeraren ondoren. Horrela, EAEko langabezia-tasa, batez beste, bi hamarren hobetu da aurreko urteko emaitzarekin alderatuta, eta % 9,5ean kokatu da. Maila hori estatuko batez bestekoa (% 10,3) baino zortzi hamarren txikiagoa da, eta bi tasen arteko aldea murriztu egin da.



Prezioen deflatoarea eta KPI

Euskal ekonomiaren deflatore inplizituak hiru hamarren egin du gora urriaren eta abenduaren artean, aurreko hiruhilekokoaren aldean, eta % 2,9ra iritsi da. Hazkunde horrekin lau hamarren urruntzen da ekitaldiaren hasieran erregistratutako % 2,5etik.

Deflatoarea da EAEko BPGaren urte arteko hazkundera handiagoa izan delako prezio arruntetan 2025eko laugarren hiruhilekoan (% 5,5), jardueraren bolumen-hazkundera baino (% 2,4).

Euskadiko urte arteko KPlak behera egin zuen abenduan, % 2,9ra iritsiz, eta ehuneko hiru hamarren murriztu zen azaroko datuarekin alderatuta. Inflazioaren moderazio hori, neurri handi batean, erregaien prezioen garestitze txikiagoak azaltzen du.



2025eko irailean erregistratutako prezioen gorakadaren ondoren, urte arteko KPlaren tasa % 3,3ra iritsi zenean, inflazioa desazelerazio-bideari ekin dio, abenduan % 2,9ra iritsi arte, hau da, abuztutik mailarik baxuenera iritsi arte. Elikagai eta edari ez-alkoholikoen taldeak berriz ere gorakada izan zuen abenduan, % 3,9raino, produktu freskoen eta olioien garestitzearen ondorioz. Aitzitik, KPlaren bilakaerari mesede egin dio jantzien eta oinetakoen prezioei eutsi izanak merkealdi-kanpaina aurreratzeagatik (-% 1,7). Era berean, aisia- eta kultura-taldeak indizea moteltzen lagundu du (% 0,2), pakete turistikoa eta jolas-zerbitzu jakin batzuk merkatzeagatik.

Prestatutako elikagaien garestitzea gorabehera, azpiko inflazioa % 2,4ra jaitsi zen abenduan, zerbitzuen prezioen moderazioari esker, % 3,4ko tasarekin.

2025eko ekitaldi osoan, prezioen batez besteko igoera % 3,0 izan da, 2024. urtearen amaierako % 3,1a baino hamarren bat gutxiago, eta oso urrun 2022an lortutako % 8,0tik. Etxebizitzaren, uraren, elektrizitatearen eta gasaren multzoa izan da KPlaren portaeraren determinatzaile nagusietako bat 2025ean. Urtean zehar, osagai horren prezioek % 6,5eko batez besteko igoera izan dute, eta inflazio-presio handieneko taldeetako bat da. Igoera hori ez dator bat 2023an izandako -% 12,0ko jaitsierarekin, ezta 2024an erregistratutako % 3,7ko igoerarekin ere.

Epe laburrerako aurreikuspenak

2026rako, lehen adierazleek adierazten dute urtearen hasiera positiboa izan dela, kontsumoa sendoa izan dela eta lan-merkatuak indartsua izaten jarraitzen duela, afiliazioaren gorakadan eta langabeziaren urtetik urterako murrizketan islatuta.

Euskal ekonomiak nazioarteko ingurune konplexu bati egin behar dio aurre. Ingurune horren ezaugarri dira hazkunde globalaren moderazioa eta arrisku komertzial eta geopolitikoen iraunkortasuna, eta faktore horiek epe labur eta ertaineko hedapena baldintzatzen dute.

Hala ere, Eusko Jaurlaritzak balorazio positiboa egin du ekitaldi honetan Euskadiko ekonomiak izan duen portaerari buruz. Aurreikuspenen arabera, BPGa % 1,9 haziko da 2026an, ekonomia aurreratuen hazkunde pixkanaka moteltzearekin bat etorriz, 2025aren ondoren, jarduerak erresistentzia-gaitasun handia erakutsi baitzuen.


2026rako aurreikusitako hazkundeak merkataritza-eragiketak aurreratzearen ondoriozko bultzadaren agortzea islatzen du, bai eta Estatu Batuetako muga-zergen inpaktu progresiboa ere, kostuak handitu eta hornidura-kate globalen efizientzia murriztu baitute. Testuinguru horretan, jardueraren aurrerapena barne-eskariaren sendotasunean oinarrituko dela aurreikusten da, kanpo-sektorean aurreikusitako ahultasunaren aurrean.

Eskaintzaren ikuspegitik, 2026an hiru jarduera-sektore nagusiek aurrerapenak izatea espero da, eraikuntzaren portaera bereziki dinamikoarekin (% 2,7). Sektor hori azpiegitura-proiektuak gauzatzeak eta bizitegi-eskariak bultzatuko dute, finantzaketa publiko handiagoak, finantza-baldintza hobeak eta prezioen igoerak eskaintzan duen eragin pizgarriak bultzatuta. Zerbitzuen sektorean, hazkunde-erritmoa moteldu egingo da (% 2,2),

ekonomiaren desazelerazio orokorraren, etxeetako gastua egonkortzearen eta enpleguaren bultzada txikiagoaren ondorioz. Bestalde, industrian jarduera pixka bat suspertuko litzateke (% 1,0), eraikuntzarako eta zerbitzuetarako aurreikusitakoa baino hazkunde neurritsuagoa izan arren.

Urtarrilean aurkeztutako agertokian nabarmentzekoa da Espainiako Estaturako eta Estatu Batuetarako hazkunde-aurreikuspenen goranzko berrikuspena (iturria: Consensus Forecasts). Espainiaren kasuan, hazkundearen zenbatespena % 1,9tik % 2,1era igo da, eta Estatu Batuetan, berriz, % 1,7tik % 2,0ra. Euroguneak, aldiz, ez du aldaketarik izan hazkunde-aurreikuspenean (% 1,1). Hazkunde desberdineko ingurune batean, euskal ekonomiak barne-eskariaren sendotasunean eta nazioarteko ingurunera egokitze gaitasunean oinarritzen jarraituko du, eta horrek inbertsioa bultzatzera, lehiakortasuna hobetzera eta merkatuen dibertsifikazioan aurrera egitera bideratutako politiken garrantzia indartzen du.

Enpleguari dagokionez, aurreikusten da langabezia-tasak jaisten jarraituko duela 2026an % 6,4raino, lan-merkatuaren dinamismo jarraituaren isla. Era berean, inflazioaren pixkanakako moderazioa aurreikusten da, eta horrek, enpleguaren bilakaera positiboarekin batera, etxeetako erosteko ahalmenari eusten eta kontsumo pribatuaren egonkortasuna indartzen lagunduko du.



BIZKAIKO EGOERA

Eustaten hiruhileroko kontuen arabera, Bizkaiko BPGa hazkunde neurritsua eta iraunkorra izaten ari da, eta jarduera-tasak normalizatu egin dira pandemiaren ondorengo ezohiko aldiaren ostean. 2025ean erregistratutako hazkundera 2024an lortutako mailen azpitik dago, eta horrek erakusten du ekonomia nagusien jarduera neurritasun-fase batetik ari dela igarotzen, non dinamismoa txikiagoa den, baita Bizkaian eta EAEn ere.

Hiruhileroko kontuen arabera, Bizkaiko BPGak hazkunde iraunkorra izan du urritik abendura bitartean, urte arteko datuei erreparatuta. 2025eko azken hiruhilekoan, Bizkaiko jarduera ekonomikoak % 2,4ko aurrerapena izan du. Hala, aurreko hiruhilekoan lortutako




tasa finkatu egin da, eta 2024ko azken hiruhilekoan lortutako % 2,1eko tasa gainditu da. Hazkunde hori Arabakoa (% 2,5) eta Gipuzkoakoa (% 2,5) baino zertxobait txikiagoa da, baina EAeko batezbestekoaren berdina (% 2,4).

Hiruhilekoen arteko balioetan, Bizkaiko ekonomiak % 0,5eko hazkundea izan du; bi hamarren gutxiago dira horiek, uztaitetik irailera bitartean izandako % 0,7aren aldean. Datu hori Arabakoa (% 0,4) baino handiagoa da, baina Gipuzkoakoa (% 0,6) baino txikiagoa.

Bizkaiko jardueraren motor nagusia barne-eskaria da oraindik ere, eta kanpo-sektoreak ahulduta jarraitzen du ingurune ekonomiko konplexua dela eta. Inflazioa, beheranzko joera duen arren, helburu-tasen gainetik mantentzen da.

Eguneko prezioetan, Bizkaiko BPGak % 5,0ko urte arteko aurrerapena izan du 2025ean, duela urtebeteko % 5,8 baino zortzi hamarren gutxiago, eta horrek eragina izan du 2024arekin alderatuta prezioen igoera moteldu egin delako. Hazkunde hori Gipuzkoako dinamismoaren berdina da (% 5,0), eta Arabakoa baino zertxobait handiagoa (% 4,9). Hori dela eta, Bizkaiko deflatore inplizitua 2,64 puntukoa da, eta Arabakoa eta Gipuzkoakoa, aldiz, 2,67 eta 2,61 puntukoa, hurrenez hurren.

Beste alde batetik, lurraldeko enpleguaren bilakaerak goranzkoa izaten jarraitu du, urtetik urterako eta hiruhilekotik hiruhilekorako hazkundeak izanik ekitaldiko lau hiruhilekoetan.



Ekoizpena

Bizkaiko industria-jarduerak bilakaera positiboa izan du 2025eko laugarren hiruhilekoan, eta sektorean enpleguak hazkunde iraunkorra izan du. Ziurgabetasun-maila handiko testuinguru ekonomikoan egon arren ere izan da jokaera hori.

2025ean, Bizkaiko industria suspertu egin da, 2024an izandako atzerakadaren ondoren. EAEn, oro har, industria-sektoreak emaitza negatiboa izan du, Arabako industria-jarduerak jokaera txarra izan duelako; izan ere, bertako enpresa nagusietako batzuk zailtasun handiak izaten ari dira.

Eustaten datuen arabera, industria-produkzioaren indizeak (IPI), lan-egutegiko baldintza homogeneousan, urte arteko % 2,3ko hazkundeak izan du Bizkaian 2025eko laugarren hiruhilekoan. Horrela, ekitaldiak bilakaera positiboa izan du urtearen bigarren erdian, hirugarren hiruhilekoan izandako % 0,9ko aurrerapenaren ostean. Dena den, urtearen hasiera ez da hain ona izan: urtariletik martxora -% 0,7eko beherakada izan da, eta apiriletik ekainera -% 1,8koa.


Ekitaldi osoan, Bizkaiko Lurralde Historikoko industria-ekoizpenak % 0,1ko hazkunde neurritsua izan du; hortaz, joera aldatu egin da 2024ko urte arteko atzerakadarekin alderatuta (-% 0,5). 2025eko hazkunde-tasa intentsitate txikikoa bada ere, jokaera horrek agerian uzten du Bizkaiko industria-sektoreak eusteko gaitasuna duela nazioarteko ingurune gogorrean, non hainbat erreferentziazko ekonomiak geldialdiak izan dituzten; adibidez, Frantziak eta Alemaniak —Bizkaiko industria-ekoizpenaren helmuga-merkatu nagusiak dira—.

Lurralde historikoen arabera, Arabak -% 4,6eko beherakada izan du, eta Gipuzkoak, berriz, % 0,2ko igoera. Bestalde, Espainiako Estatuan, urte arteko tasak % 1,3 egin du gora; 2024an % 0,5eko gorakada izan zuen.

Jarduera-adarren arabera banatuta, elektrizitatearen, gasaren, lurrunaren eta aire girotuaren hornidurak % 3,8ko urte arteko aldakuntza positiboa izan du 2025ean, bi ekitaldi jarraian, hau da, 2023an (-% 14,9) eta 2024an (-% 4,5) behera egin ondoren —ekoizpenaren hartzaile nagusien jarduera ekonomikoa moteldu egin zelako eta prezio garestiengatik gertatu zen hori—. Sectoreak suspertzen jarraitu du urtean zehar, eta urte arteko hazkundeak izan dira hiruhileko guztietan; horrek esan nahi du sektorearen portaera hobetu egin dela.

Manufaktura-industriak -% 0,5ko beherakada txikiarekin itxi du ekitaldia, eta ez du lortu bide positibora itzultzea, 2024ko emaitza planoaren ondoren (% 0,0). Sektorea eremu negatiboan sartu zen 2024ko bigarren hiruhilekotik aurrera, eta 2025eko bigarren hiruhilekora arte urte arteko aldakuntza txarrak izan zituen. Hala ere, urtearen bigarren erdian joera aldatu da, % 0,9ko eta % 2,2eko hazkundeekin, hurrenez hurren, hirugarren eta laugarren hiruhilekoetan. Ekitaldia modu positiboan ixteko nahikoak izan ez badira ere, sektorearen portaera pixkanaka hobetuko denaren seinale dira.

Erauzketa-industriak, zeinak industria-sektorearen barruan garrantzi erlatibo txikiena baitu, -% 3,2ko jaitsiera izan du 2025ean. Hirugarren urtez jarraian egin du behera. Oraingo honetan, ordea, beherakada txikiagoa izan da, eta ez da bi digituko mailara iritsi.



Industria-sektoreko laneratzeari helduz gero, Gizarte Segurantzako afiliazio-datuen arabera, 2025eko laugarren hiruhilekoan 73.463 pertsonak egin dute lan Bizkaiko industrian —hilabete bakoitzeko azken eguneko batezbestekoa da hori—, alegia, %0,9ko urte arteko hazkundera egon da, 661 afiliazio gehiagorekin. Udako hiruhilekoarekin alderatuta, industriako enplegua ia egonkor mantendu da, 45 afiliazio gehiago izan baitira, hau da, hiruhileko arteko %0,1eko aldakuntza egon da.

Urteko zenbaketan, sektoreko batez besteko afiliazioa 73.210 pertsonakoa da, urte arteko %0,7ko aurrerapenarekin, 2024an lortutako %1,0aren azpitik. Moteltze hori gorabehera, afiliazioen urte arteko hazkundera positiboa izan da laugarren urtez jarraian —2020an eta 2021ean beherakada handiak izan ziren pandemiaren ondorioz—.

Jarduera-adarren arabera eta urte arteko balioetan, enplegua hazi egin da bai manufaktura-industrian (%0,6), bai, neurri handiagoan, energia-ekoizpenaren, uraren eta erauzketen jardueretan (%2,4), nahiz eta azken arlo horrek industria-sektoreko enplegu osoaren %7,5 baino ez duen biltzen.

Lan-merkatuaren inkestek Gizarte Segurantzako afiliazio-erregistroetako emaitzak berresten dituzte. Bai EINen Biztanleria Aktiboaren Inkestan (BAI) oinarrituta, bai Eustaten Biztanleriaren jardueraren arabera sailkatzeko inkestan (BJA) oinarrituta, laneratzeak gora egin du azken hiruhilekoan, eta bilakaera positiboa egon da ekitaldiko joera orokorrean.

2025ean, urria eta abendua artean, eta 2024ko azken hiruhilekoaren aldean, EINen BAIren arabera, Bizkaiko industrian 16.200 landun gehiago daude, eta urte arteko hazkundera %19,3koa izan da. Emaita horrekin, hazkundera izan duen laugarren hiruhilekoa da jarraian, 2024ko hiruhileko guztietan izandako jaitsieren ostean. Bestalde, Eustaten BJAREN kalkuluen arabera, laneratzea gutxiago hazi da, %2,6 (aurreko urteko aldi berean baino 2.100 laneratu gehiago).

EINen arabera, urteko balantzeari erreparatuta, industriako batez besteko laneratzea 93.700 pertsonakoa da; urte arteko %18,2ko hazkundera izan da (14.400 enplegu gehiago). Aldiz, Eustaten arabera, hazkunde orokorra apalagoa izan da, %1,6koa, hiruhilekoetan zehar izandako hazkunde mugatuen ondorioz, eta lurraldeko biztanleria landuna 84.000 pertsonakoa izan da (2024an baino 1.300 gehiago).


Obra zibilaren dinamismoa gorabehera, eraikuntzaren sektorean, lizitazio ofiziala murriztu egin da 2025ean. Hala ere, sektoreko laneratzeak hedatzen jarraitu eta laugarren hazkunde-urtea izan du hau.

Seopanen (Azpiegituren Enpresa Eraikitzaile eta Emakidadunen Elkartea) arabera, Bizkaiko lizitazio ofiziala, sektorearen etorkizuneko portaera aurreratzen duena, 1.448,6 milioi eurokoa izan da 2025en, urte arteko $-1,8\%$ jaitsierarekin, 2024ko 1.474,8 milioiekin alderatuta. Jaitsiera eraikuntzaren osagaian bakarrik gertatu da; zehazki, $-37,9\%$ jaitsi da. Ostera, beste osagaia, obra zibila, $17,0\%$ hazi da. Erakunde-sektoreei dagokienez, beherakada handiena administrazio zentralak bultzatutako lizitazioarena da, $-70,7\%$ izan baita (lizitatutako obraren $3,7\%$ da), eta, ondoren, toki administrazioarena dago, $-0,3\%$ beherakada neurritsuagoa izan baitu ($64,4\%$ ko pisu erlatiboa). Administrazio autonomikotik datorren lizitazioa, aldiz, $30,0\%$ hazi da; lizitazio guztien $31,9\%$ da gori.

Eraikuntzaren sektoreko lan-merkatuaren adierazleek bilakaera ona erakusten dute, baina ez hazkundearen intentsitatea desberdina da iturriaren arabera.

Zehazki, 2025eko laugarren hiruhilekoan, Gizarte Segurantzaren eraikuntzako 33.765 afiliatu daude Bizkaian; horrek esan nahi du urte arteko $3,2\%$ hazkundera izan dela, eta 2021eko lehen hiruhilekotik aurrera hazten jarraitzen duela. Udarekin erkatuta, afiliazioak $0,9\%$ egin du gora. Urteko balioetan, 2025ean, sektoreko batez besteko afiliazioak 33.414 izan dira, urte arteko $2,6\%$ hazkundera izan dela, 2024an izandako $0,9\%$ koaren azpitik.

Lan-merkatuaren inkestaren arabera ere aldakuntza positiboak izan dira, bai urte artean, bai hiruhileko artean. Aldiz, BAIk balioespen baikorrak jaso ditu. Hala, 2025eko azken hiruhilekoan, EINen BAIk $33,5\%$ ko urte arteko hazkundera jaso du Bizkaiko laneratzean (8.500 landun gehiago). Horrela, laneratzearen urteko batez bestekoa $10,6\%$ igo da. Bestalde, BJAk beste 1.300 langile gehiago zenbatu ditu 2025eko laugarren hiruhilekoan, 2024ko aldi berean baino; beraz, $4,2\%$ ko aurrerapena egon da. Horrela, Eustaten inkestaren arabera, laneratzeak $3,2\%$ ko gorakada izan du 2025ean, aurreko urtearekin konparatuta.





Zerbitzuek eginkizun garrantzitsua izaten jarraitzen dute lurraldeko jarduera ekonomikoan 2025ean, nahiz eta jarduera nagusien artean portaera desberdinak izan. Merkataritzak intentsitate txikiagoarekin egin du aurrera; aldiz, beste zerbitzu batzuek bilakaera dinamikoagoa izan dute.

Eustatek Bizkairako prestatzen duen zerbitzuen koiuntura-indizea (ZKI) lurraldeko zerbitzuen sektorearen termometroa da. Adierazle horrek handizkako eta txikizkako merkataritza, ibilgailuen salmenta eta konponketa eta beste zerbitzu batzuk epigrafean bildutako sektoreak biltzen ditu.

2025eko laugarren hiruhilekoan, Bizkaiko merkataritzak $-0,2\%$ ko urte arteko atzerakada izan du (balio konstanteetan eta desestazionalizatueta). Datu horrekin, eten egin da udako hiletan izandako $1,8\%$ ko gorakada, eta sektorea ikusi ez den joera negatibora itzultzen du 2024ko lehen hiruhilekotik ($-1,4\%$), urtearen lehen erdian izandako hazkunde ia lauraren ondoren ($0,7\%$ lehen hiruhilekoan eta $0,0\%$ bigarrenean). Bestalde, beste zerbitzu batzuek $1,5\%$ ko igoera izan dute, nahiz eta aurreko aldiarekin konparatuta bi puntuko beherakada izan.

Hiruhilekoen arteko konparazioan, urritik abendura bitarte, merkataritza $-0,1\%$ jaitsi da, udako hilabeteetan $1,2\%$ igo ondoren. Beste zerbitzu batzuek $1,3\%$ egin dute gora; aurreko hiruhilekoan baino puntu erdi gutxiago da hori ($1,8\%$).

Merkataritza sektorearen banakapenean, 2025eko azken hiruhilekoan, motordun ibilgailuen salmenta eta konponketa nabarmentzen da, urte arteko $3,3\%$ ko igoera nabarmenarekin. Hala ere, osagai horrek dezelerazioa izan du, hirugarren hiruhilekoan lortutako $15,2\%$ ko aparteko hazkundearen aldean. Txikizkako merkataritzako salmentek ere gora egin dute, $2,9\%$. Bestalde, handizkako salmentek ahultzen jarraitu dute, $-2,3\%$ ko jaitsierarekin; horrela, emaitzak negatiboak izan dira urte osoan. Beste zerbitzu batzuek, berriz, balantze batez ere positiboak izan dute urte artean, informazioaren eta komunikazioen azpisektorean izan ezik, $-3,9\%$ egin baitu atzera. Igoeren artean, jarduera profesionalak, zientifikoak eta teknikoak nabarmendu dira, $5,4\%$ ekin (taldeko hazkunderik handiena), ondoren ostalaritza ($+1,7\%$) eta administrazio-jarduerak eta zerbitzu osagarriak ($1,0\%$). Garraioaren eta biltegiratzearen azpisektoreak ez du aldakuntzarik izan ($0,0\%$).

Balio arruntetan eta datu zuzenduekin, urte arteko ZKI Bizkaian, urritik abendura, $1,8\%$ hazi da merkataritzaren atalean, eta $4,4\%$ beste zerbitzu batzuetan. Emaizta horiek prezioak pixkanaka egonkortzen ari diren testuinguru batean lortu dira, eta duela bi urte hasi zen eusteko joerari jarraitzen diote.

Urte osoan, merkataritza-sektorearen salmentak balio konstanteetan ia egonkortu egin dira, $0,4\%$ ko aldakuntza izan baitute 2024arekin konparatuta. Aldiz, gainerako zerbitzuek $2,3\%$ ko igoera izan dute, balio errealean. Balio arruntetan, hau da, prezioen eragina kontuan hartuta, bi osagaiek gora egin dute: merkataritza $1,9\%$ hazi da eta gainerako zerbitzuak $4,9\%$.

Zerbitzuen sektoreko Bizkaiko lan-merkatuari dagokionez, 2025eko azken hiruhilekoan okupazioak % 1,1eko gorakada izan du urte artean, balio desestazionalizatueta. Ekitaldi osoko balantzean, enplegudunek % 0,7ko igoera izan dute. Tasa hori 2024koaren berdina da, eta hazkunde neurritsuaren joera finkatzen du kontratazioan.

Lan-merkatuaren inkesten arabera, portaera kontraesankorrak daude enpleguak zerbitzuetan izan duen bilakaeran, bai urteko azken hiruhilekoan, bai ekitaldiko enplegu metatuan. Horrela, urritik abendura bitartean, Estatistikako Institutu Nazionalaren BAI_n -% 1,4ko urte arteko jaitsiera jaso da. Tasa negatiboa duen ondoz ondoko hirugarren hiruhilekoa da. Ostera, Eustaten BJA_n % 1,5eko hazkundera jaso da aldi berean, eta aurrerapen positiboak izan dira urteko hiruhileko guztietan. Zenbaketa orokorrean ere aldeak daude: BAI_n arabera -% 2,0ko jaitsiera egon da sektoreko enpleguan, baina BJA_n arabera % 1,5ko hazkundera.

2025eko laugarren hiruhilekoan, Gizarte Segurantzako afiliazioen batez besteko maila 392.018ra iritsi da Bizkaiko zerbitzuetan. Urte arteko % 1,5eko igoera izan du, goranzko joera finkatu da —ekitaldian zehar areagotu da joera hori—. 2025ean, batez besteko afiliazioak 385.525 izan dira, hau da, 2024an baino ia 5.500 gehiago. Horrela, igoera % 1,4koa izan da. Hazkunde hori hirugarren sektoreko jarduera-adar guztietara zabaldu da oro har, eta afiliazioek gora egin dute urte arteko datuetan: informazioa eta komunikazioak (% 0,6), arte- eta jolas-jarduerak (% 3,2), merkataritza, ibilgailuen konponketa, garraioak eta ostalaritza (% 0,7), jarduera profesionalak, zientifikoak eta teknikoak (% 3,3), administrazio publikoa, hezkuntza eta osasuna (% 1,7), beste zerbitzu batzuk (% 0,1), finantza- eta aseguru-jarduerak (% 2,3), zerbitzu osagarriak (% 1,7) eta higiezin-jarduerak (% 0,5).

Barne-eskaria

Barne-eskariak Bizkaiko ekonomiaren motorra izaten jarraitzen du, eta egonkor mantentzea lortu du 2025ean, nahiz eta jarduera ekonomiko orokorra moteldu. Inflazioari eusteak eta interes-tasen ondoz ondoko jaitsierek bultzatu dute lurraldearen dinamismo hori.

Egoera horretan, kontsumoak goranzko joera izaten jarraitzen du. Hala, hazkunde-prozesu geldiago baina sendoago batean sartzen da.

Eustatek hiru hilean behin argitaratzen duen txikizkako merkataritzaren indizearen (BMIT) arabera, eguneko prezioetan eta balio zuzenduekin, Bizkaiko kontsumoak % 3,7ko urte arteko hazkundera izan du 2025eko urritik abendura bitartean. Tasa hori udako hilabeteetakoa (% 4,7) baino puntu bat baxuagoa da, eta horrek esan nahi du hazkundearen erritmoa moteldu egin dela ekitaldia ixtean. Era berean, lurraldearen portaera ez da Arabakoa -% 7,2ko hazkundera izan du- eta Gipuzkoakoa -aldi berean % 5,1eko gorakada izan du- bezain dinamikoa.

2025eko urteko zenbaketan, BMIT % 4,0 hazi zen Bizkaiko eguneko prezioetan; EAEko batezbestekoa (% 4,4) baino lau hamarren gutxiago dira horiek.

Elikagaien sektoreak % 4,0ko urte arteko hazkundearekin itxi du 2025a, 2024an baino hamarren bat gutxiagorekin. Bestalde, gainerako produktuen txikizkako merkataritza % 4,1



igo da, eta automobilgintzarako erregaien salmenta, berriz, tasa positiboetara itzuli da, urte arteko % 4,2ko aurrerapenarekin. Susperraldi horrek amaiera eman die 2023ko (-% 12,8) eta 2024ko (-% 5,8) beherakada handiei, aurreko bi ekitaldietan izandako bi digituko igoeren ostean (2021ean % 23,4 eta 2022an % 26,7).

Bolumenari eta prezio konstanteei erreparatuta, indizeak aurrerapenak izan ditu Bizkaiko Lurralde Historikoan, nahiz eta neurritsuagoak izan. 2025eko laugarren hiruhilekoan, Bizkaiko BMLt % 2,7 hazi da. Udako hilabeteetan baino puntu bat gutxiago (% 3,7) eta bigarren hiruhilekoan baino sei hamarren gutxiago (% 3,3) da hori, baina, hala ere, lehen hiruhilekoko % 2,1aren gainetik mantendu da. Aldi berean, kontsumoak gehiago egin du gora Araban eta Gipuzkoan, % 6,2ko eta % 4,0ko gorakadekin, hurrenez hurren.

Urte osoan, kontsumoaren hazkundea % 2,9koa da, eta azelerazio txikia egon da 2024an erregistratu zen % 2,7ko aurrerapenarekin alderatuta. Sektoreka, elikadura % 2,8 hazi da; duela urtebete baino puntu erdi gutxiago da (% 3,3). Ostera, gainerako ondasunen kontsumoaren kasuan, 2024ko tasa baino tasa hobea lortu da. Zehazki, hamarren bat hazi da, % 2,6ra arte. Bereziki nabarmentzekoa da automobilgintzarako erregaien salmenta, % 7,7 egin baitu gora, eta joerari itzulia eman dio bi urtez jarraian behera egin ondoren: 2023an (-% 8,0) eta 2024an (-% 2,5).


Garraio eta Mugikortasun Jasangarriaren Ministerioak argitaratutako datuen arabera, Bizkaiko etxebizitza-transakzioen bolumenak aldakortasun handia izan du azken urteetan. Pandemiaren ondorioz 2020an erregistratutako -% 11,4ko jaitsieraren ondoren, etxebizitzaren salerosketak % 26,2 egin zuen gora 2021ean. Hala ere, hazkundea moteldu egin zen 2022an, % 1,0ko aurrerapen marjinalarekin, baina 2023an ez zen mantendu, eta transakzioek - % 16,6 egin zuten behera. 2024tik aurrera, joera-aldaketa bat ikusten da, salmentak % 17,8 igo baitira. Dinamika positibo hori finkatu egin da 2025eko ekitaldian, eta % 13,5eko igoerarekin itxi da. Higiezinaren merkatuaren biziberritze hori, neurri handi batean, interes-tasen murrizketari egotz dakioko.

Bizkaiko turismo-sektoreak dinamismo sendoa du 2025ean. EINek eta Eustatek egindako inkestek joera hori berretsi dute. Izan ere, emaitza positiboak izan dituzte bai laugarren hiruhilekoko urte arteko konparazioan, bai ekitaldiko balantze orokorrarenean.

2025ean, EINek kalkulatu du Bizkaiko hoteletan ostatu hartu duten bidaiarien kopurua % 3,1 igo dela; aurreko urtean izandako % 2,6eko tasa baino pixka bat handiagoa da hori. Aurrerapen hori 2021ean eta 2022an lortutako bi digituko hazkundeetatik oso urrun badago ere, 2025ean 1.766.489 bisitari sartu dira lurraldera, hau da, 2019an erregistratutako kopurua 180.000 pertsona ingurutan gainditu da —pandemia aurreko azken ekitaldi osoa izan zen 2019a—. Sektorearen dinamismoaren oinarria atzerriko turismoaren igoera izan da batez ere (+% 6,1), turismo nazionalaren portaera neurritsuagoa (+% 0,6) orekatuz.

Eustaten establezimendu turistiko hartzaileen inkestak EINek islatutakoa baino intentsitate handiagoko egoera jasotzen du. 2025ean, Bizkaian sartu diren bidaiarien kopurua % 7,6 igo da, 2024an izan zen -% 1,3ko jaitsieraren aldean. Balio absolutuetan, 1.791.639 sarrera zenbatu dira, aurreko urtean baino 126.000 inguru gehiago eta 2019an baino 273.548

gehiago. Ostatu-gauen bilakaera ere positiboa izan da; % 6,4ko hazkundera izan dute. Urte arteko aurrerapenaren oinarria atzerriko eskaria izan da, eta % 10,7ko hazkundera izan du, bai sarreretan, bai ostatu-gauetan. Bestalde, eskari nazionalak ez du bi digituko tasarik lortu; bidaiari kopuruak % 4,9 egin du gora eta ostatu-gauak % 2,5.



2025ean, Bizkaiko landa-turismoa nabarmen suspertu da, eta itzulia eman dio aurreko bi ekitaldietako beheranzko joerari. Horrelako establezimenduetan bidaiarien sarrerak % 6,8 egin du gora azken urtean, hau da, 2024an baino 3.490 pertsona gehiago sartu dira. Gorakada horren ondorioz, jarduera-bolumena 2019ko datuen gainetik dago —osasun-krisiaren aurreko azken urte osoa izan zen—.

Bizkaiko turismo-ibilgailuen salmentak bizkorrago ari dira suspertzen 2025ean. Matrikulazioak % 14,5 igo dira, eta horrek 2023an hasi zen ziklo-aldaketa luzatzeaz gain, aurreko ekitaldiko hazkunde-tasa (+% 6,5) aise bikoizten du. Hala, 2025ean, 2024an baino 2.212 turismo-ibilgailu gehiago matrikulatu dira. Dena den, 2019. urtearen aldean —orduan hasi sektorea arazoak izaten—, salmenta-bolumena 5.796 unitate beherago dago oraindik.

Zama-ibilgailuen kasuan, 2025eko ekitaldian joera aldatu eta urte arteko tasa positiboak erregistratu dira berriro. Aurreko urtean -% 4,1eko jaitsiera izan ondoren, matrikulazioak % 7,8 hazi dira 2024aren aldean. Hala bada, ibilgailu mota horri lotutako inbertsioa suspertu egin da.

Kanpoko eskaria

Bizkaiko esportazioek ondoz ondoko hirugarren doikuntza-ekitaldia izan dute, 2022an lortutako maximo historikoaren ostean. Une garrantzitsu hartatik, kanporako salmenta-fluxua neurritsua izan da, pandemiaren aurretik baino maila altuagoari eusten badio ere. 2025aren amaieran, lurraldeko esportazioak 10.745,0 milioi eurokoak dira; zifra horrek % 10,6an gainditzen ditu 2019ko balioak.

Industria, Merkataritza eta Turismo Ministerioaren Merkataritzaren Estatuko Idazkaritzaren (MEI) arabera, Bizkaiko kanporako salmentek -% 2,5eko beherakada izan dute 2025eko urritik abendura bitartean. Urte arteko tasa negatiboa izan bada ere urteko



hiruhileko guztietan, azken tartean izan den emaitzak erakusten du jaitsiera apaldu egin dela aurreko hiruhilekoen aldean. Bereziki, erdialdeko hiruhilekoetan metatu ziren atzerakadarik handienak: -% 14,9ko beherakada bigarren hiruhilekoan eta -% 12,3koa hirugarrenean. Bestalde, Gipuzkoak % 4,2ko gorakada izan duen arren, Bizkaiko beherakada eta Arabako -% 13,1eko jaitsiera handia direla eta, EAEko emaitza agregatua -% 3,7koa izan da.

Urte osoan, lurraldeko esportazioak -% 9,3 jaitsi dira, eta beherakada horrek areagotu egin du 2023an hasi zen (-% 6,9) eta 2024an mantendu zen (-% 4,3) joera negatiboa. Portaera hori, batez ere, esportazioen osagai energetikoak indarra galdu duelako gertatu da (Bizkaitik esportatutako guztizkoaren % 12,0); izan ere, salmentek -% 33,4ko beherakada izan dute aurreko urtearekin konparatuta. Esportazio ez-energetikoak esportazio guztien % 88,0 dira, eta horiek ere atzerakada izan dute, neurri txikiagoan bada ere, -% 4,6koa.

Azpisektoreen arabera, elikagaien esportazioek eta kontsumoko manufakturek soilik egin dute aurrera. Lehenengoak esportazio guztien % 8,8 dira, eta % 19,0 hazi dira; bigarrenak, berriz, % 3,6 egin dute gora, eta % 2,1eko pisua dute lurraldeko esportazio guztien gainean. Hala ere, gainerako azpisektore nagusiek, aipatutako ondasun energetikoen azpisektorea barne, tasa negatiboak dituzte. Erdimanufakturak azpisektore esportatzaile nagusia dira, % 30,9ko kuotarekin, eta -% 6,5eko beherakada izan dute; ekipamendu-ondasunek -% 4,9 egin dute behera (balio orokorraren % 29,3), eta automobilgintzak, berriz, -% 2,0 (guztizkoaren % 12,5).

Lurraldeko inportazioek beheranzko joera duten hirugarren ekitaldia da. 2025ean izandako -% 8,6ko beherakadak 2024koa gaingitzen du (-% 0,8), nahiz eta 2023an izandakotik urrun dagoen (-% 13,1). Partida nagusien artean, zeinu negatiboa produktu energetikoen inportazioek dute, -% 20,8ko beherakada izan baitute (guztizkoaren % 39,6 dira). Jarraian doaz automobilgintza (inportazioek -% 8,2ko beherakada izan dute -% 2,5eko kuota-) eta lehengaiak (-% 2,1eko beherakada -kanpoko erosketa guztien % 4,9-). Alde positiboari helduz gero, ekipamendu-ondasunen erosketek % 3,1 egin dute gora (inportazioen % 16,2); erdimanufakturek % 0,3 (kanpoko erosketen % 25,6); eta elikagaiek % 6,0 (inportazioen % 8,1).


Hauek izan dira Bizkaiko esportazioen helmuga nagusiak 2025ean: Frantzia (% 15,4), Alemania (% 12,2), Erresuma Batua (% 8,1), Herbehereak (% 7,3), Belgika (% 6,9), Italia (% 6,4) eta AEB (% 5,9).

Zazpi herrialde horiek Bizkaiko esportazioen % 62,2 hartzen dute. Bereziki garrantzitsua da Estatu Batuen kasua, duela gutxiko muga-zergen politikaren ondorio posibleak direla eta. Haren pisu erlatiboak zazpi hamarreneko beherakada izan du (2024ko % 6,6tik 2025eko % 5,9ra), eta, horregatik, bi postu atzera egin du Bizkaiko esportazio-helmuga nagusien sailkapenean, hau da, bosgarren postutik zazpigarrenera igaro da. 2025ean, Bizkaiak herrialde horretara egindako esportazioek -% 20,2 egin dute behera.

Inportazioei dagokienez, soilik energetikoak hartuta kontuan, Estatu Batuak dira jatorrizko herrialde nagusia 2025ean, % 18,3rekin; 2024an bigarren postuan egon zen. Ondoren

Mexiko dago, % 17,1ekin; aurreko urtean lehen postuan zen eta orain bigarrenera jaitsi da. Gertu dago Brasil, % 14,4rekin; hirugarren postuari eusten dio sailkapenean.

Produktu energetikoak kontuan hartzen ez baditugu, lau hornitzaile nagusiak Alemania (% 11,1), Txina (% 10,3), Irlanda (% 9,2) eta Frantzia (% 7,8) dira.



Bizkaiko merkataritza-balantzak saldo negatiboa izan du, bai 2025eko laugarren hiruhilekoan, bai urte osoan. Joera hori ohikoa izaten ari da, 2020ko azken hiruhilekoan eta 2021eko lehenengoan izan ezik; orduan esportazio baino inportazio gehiago izan genituen, eta horrek merkataritza-saldoa positiboa izatea eragin zuen. Energiako merkataritza-balantzak, Bizkaian beti negatiboa denak, Petronorren inportazioen ondorioz, defizita % 16,0 murriztea lortu du 2025ean, 2024an saldo negatiboa % 5,8 handitu ostean. Bestalde, merkataritza-balantza ez-energetikoa, 2007tik positiboan mantendu bada ere, 2025ean murriztu egin da, -% 39,5eko jaitsierarekin, eta 2024ko beherakada areagotu egin da, orduan -% 8,1 egin baitzuen behera.

Lan-merkatua

2025ean, Bizkaiko lan-merkatuak enplegua sortzeko dinamika iraunkorrari eutsi dio, eta, horri esker, langabezia-tasak behera egin du pixkanaka. Dena den, bilakaera hori aztertzeke eskuragarri dauden adierazleen (hala nola Eustaten hiruhileroko kontu ekonomikoak, SEPERen erregistroak, Gizarte Segurantzako afiliazioak eta lan-merkatuari buruzko inkestak) emaitzak ez datoz beti bat. Izan ere, iturri bakoitzak lan-merkatuaren dimentsio desberdinak neurtzen ditu eta, gainera, metodologia oso desberdinak erabiltzen dituzte. Ondorioz, adierazle horien irakurketa integratua egin behar da, enpleguaren bilakaeraren ikuspegi osatuagoa eta egiturazkoagoa lortzeko.

Hiruhileroko kontu ekonomikoen arabera, 2025eko laugarren hiruhilekoan, lanaldi osoko lanpostu baliokideak 504.593 dira Bizkaiko ekonomian; % 0,5eko igoera izan dute aurreko hiruhilekoaren aldean, hau da, 2.500 langile inguru gehiago daude. Urte artean, enpleguak % 1,6 egin du gora, 2024ko urri-abenduan baino 7.811 lanpostu gehiagorekin. Urteko zenbaketan, Bizkaiko enpleguak ere gora egin du; kasu horretan, hazkundea % 1,6koa izan da, eta 2025a, batez beste, 501.581 landunekin amaitu da; 2024an baino 7.948 gehiago dira horiek —ekitaldi horretan 7.405 enplegu berreskuratu ziren (% 1,5eko igoera)—.



EINek argitaratutako biztanleria aktiboaren inkestaren (BAI) datuen arabera, Bizkaian biztanleria aktiboa % 2,4 hazi da 2025eko azken hiruhilekoan aurreko hiruhilekoaren aldean, eta % 1,4, aldiz, 2024ko aldi berarekin konparatuta. Biztanleria landunak % 1,3ko hazkundea izan du hiruhileko artean, eta % 3,9raino iritsi da urte arteko tasan. Ondorioz, biztanleria langabeak % 15,9 egin du gora aurreko hiruhilekoaren aldean, baina -% 19,9 egin du behera 2024ko aldi berarekin erkatuta.

Urteko guztizkoan, enplegua finkatu egin da lurraldean. Biztanleria aktiboak gora egin du (+% 0,4) eta landunek susperraldia izan dute (+% 1,7). Horrenbestez, langabeen bolumenak -% 13,2ko beherakada izan du, eta, beraz, Bizkaiko batez besteko langabezia-tasa 2025ean % 7,8koa izan da, 2024an erregistratutakoa baino 1,2 puntu txikiagoa. Lurraldeka, Bizkaiko tasa Espainiakoa (% 10,5) baino ia hiru puntu beherago dago, baina EAEko batez bestekoa (% 7,3) baino puntu erdi gorago.


Eustaten BJaren arabera, biztanleria aktiboak % 0,5eko igoera izan du urtetik urtera 2025eko urritik abendura bitartean, eta aurreko hiruhilekoaren aldean, -% 0,7 jaitsi da (bi kasuetan, EINek emandako tasen azpitik dago). Urteko zenbaketan, biztanleria aktiboak % 0,3 egin du gora 2025ean; 555.900 pertsona aktibo zenbatu dira (1.500 pertsona gehiago urtebeteen).

Biztanleria landunari dagokionez, urrirako eta abendurako zenbatespena 517.300 pertsonakoa da, alegia, % 1,6ko hazkundea izan du urtetik urtera eta % 0,3ko hiruhilekoen artean. Urte osoan, batez besteko biztanleria landuna 514.800 pertsonakoa da, urte arteko % 1,5eko hazkundearekin. 2024an baino zazpi hamarren gehiago dira horiek, eta horrela 7.400 enplegu sortu dira azken hamabi hilabeteetan.

Hala, laugarren hiruhilekoan zenbatetsitako biztanleria langabetua 38.700 pertsonakoa da; duela urtebete 44.200 pertsona ziren, eta, hortaz, urte arteko jaitsiera -% 12,4koa izan da. 2025eko batezbestekoan, biztanleria langabea 41.200 izan da, eta urte arteko jaitsiera -% 12,6koa izan da, azken hiru urteetako handiena. Jaitsiera-erritmo horrekin, langabezia-tasa % 7,4ra jaistera lortu da, eta ehuneko 1,1 puntu hobetu da 2024aren aldean.

Hiruhilekoen arteko datuei erreparatuta, urteak bilakaera aldakorra izan du. Langabeen kopuruak gora eta behera egin du. Urtearen hasieran aldakuntzarik izan ez den arren (% 0,0), bigarren hiruhilekoan beherakada handia izan da (-% 15,4) langabeen artean. Hala ere, joera hori irauli egin da hirugarren aldian, % 18,4ko gorakadarekin, eta, azkenik, urtea itxi da, azken hiruhilekoan -% 12,6ko beheranzko zuzenketa berri batekin.

Generoaren arabera, BJaren arabera, Bizkaiko langabezia-tasa, laugarren hiruhilekoan, % 6,7koa izan da emakumeen artean, eta % 7,2koa gizonen artean. 2025 osoan, tasa horiek % 7,5era iritsi dira emakumeen kasuan (2024koa baino ehuneko 1,7 puntu gutxiago) eta % 7,3ra gizonezkoen kasuan (aurreko ekitaldian baino puntu erdi gutxiago).



Gizarte Segurantzaren datuek berresten dute lan-merkatuak hazkunde-bideari eutsi diola 2025eko ekitaldian.

Laugarren hiruhilekoan, eta batez besteko balioetan, Bizkaian Gizarte Segurantzako afiliazioak 521.075 izan dira, urte arteko % 1,4ko aurrerapenarekin, EAEk oro har lortutakoa baino bi hamarren gehiago (% 1,2) eta Estatuko % 2,4tik behera. Eustatek eta EINek argitaratutako laneratze-datuen ildotik, 2025eko azken hiruhilekoko afiliazioek ere gora egin dute udako hilabeteen aldean. Kasu horretan, gorakada nabarmenagoa izan da, % 2,1eko hazkundearekin, 10.953 afiliazio gehiago izan baitira.

Urteko batezbestekoari dagokionez, lurraldeko afiliazioak 515.232 izan dira, urte arteko % 1,3ko igogerarekin eta 2024an baino 6.682 afiliazio gehiagorekin. Laugarren urtez jarraian, laneratze-bolumena 2019ko pandemia aurreko zifren gainetik dago, eta, lan-merkatuko egonkortasuna berresten da.

Afiliazio-datuekin bat, Estatuko Enplegu Zerbitzu Publikoaren (SEPE) erregistroen arabera, biztanleria langabeak beherakada orokorra izan du ekitaldi osoan. Bizkaia 60.300 langaberekin itxi du 2025a. 2024an baino 1.300 langabe gutxiago dira horiek, eta, orduan, -% 2,0ko beherakada izan du. Lurraldean erregistratutako langabeziaren murrizketa horrek EAEko batezbestekoa gainditzen du (-% 1,8), baina Estatu osoan izan den -% 5,9ko murrizketa baino txikiagoa da.

Sektoreka ikus daitekeenez, 2025ean, Bizkaian, SEPEn inskribatutako biztanle guztietatik 42.505 zerbitzuen sektoreko aurreko enplegu batetik datoz (guztizkoaren % 70,4), 5.295 industriatik (guztizkoaren % 8,8), 3.546 eraikuntzatik (guztizkoaren % 5,9), 1.000 lehen sektoretik (guztizkoaren % 1,7) eta gainerakoek, 7.974, ez zuten enplegurik aurretik (guztizkoaren % 13,2).

Aurreko guztia kontuan hartuta, 2025ean Bizkaian erregistratutako langabezia-tasa % 10,5koa izan da, 2024an kontabilizatutako % 10,8 baino hiru hamarren txikiagoa. Hobekuntza hori gorabehera, langabezia-maila EAE osoaren gainetik dago (% 9,5), eta Espainiako ekonomiaren batezbestekoa ere zertxobait gainditzen du (% 10,3). Langabezia-tasa txikiena erregistratuta duen sektorea industria izan da (% 6,7), eta atzetik datoz



eraikuntza (% 9,6) eta zerbitzuak (% 9,9). Garrantzi erlatibo txikia duen lehen sektorean, langabezia-tasa % 33,1ekoa da.

Ekonomiaren finantzaketa eta sozietateen demografia

Testuinguru makroekonomiko dinamikoan, lurraldeko enpresetan harpidetutako kapitala nabarmen indartu da 2025ean, bai sozietate berrien eraketan, bai zabalkuntzetan. Modu berean, finantzaketa berriaren kostuak murriztu egin dira eta horrek hipoteka-merkatua suspertu du.

Espainiako Bankuak argitaratutako estatistika-buletinaren arabera, Bizkaian % 1,6ko gorakada izan dute finantza-erakundeek 2025eko iraileko azken egunera arte (eskuragarri dagoen azken datua) emandako kreditu biziak, eta horrek positibo bihurtu du 2024ko hirugarren hiruhilekora arte metatutako -% 1,5eko beherakada. Bilakaera horrek finantzaketa pixkanaka suspertzen ari dela erakusten du, Estatuan eta EAE osoan lortutako emaitzen ildotik, non kredituak % 2,3 eta % 1,1 egin baitu gora, hurrenez hurren. Urteko (azken hamabi hilabete) datuei helduz gero, Bizkaian emandako kredituek % 1,2ko gorakada izan dute 2025eko irailean; -% 2,6ko beherakada izan zuten 2024ko aldi berean. Azpimarratzekoa da emandako kredituek urte arteko aldakuntza positiboak izan dituztela 2025eko lehen hiruhilekotik, eta hazkunde-erritmoa bizkorragoa izan dutela azken hiruhilekoan.

Bestalde, gordailuek 2025eko irailera arte jarraitu dute hazten, balio metatuetan; urteko arteko % 0,8ko hazkundera izan da. Urtaroen aldakortasuna gorabehera, balantze orokorra positiboa da, lehen hiruhilekoaren bultzada handiari esker. Horrela, urtariletik martxora % 2,9ko gorakada sendoa izan ondoren, bigarren hiruhilekoan -% 0,8ko beherakada txiki bat erregistratu da, eta uztaila eta iraila bitartean % 0,4ko igoera positiboa izan da.

EINen datuen arabera, Bizkaian eratutako hipotekek % 6,4 egin zuten gora 2025eko urritik abendura bitartean, higiezin merkatua suspertu egin baita aldi horretan, eta urteko hiruhileko guztietan aldakuntza-tasa positiboak mantendu dira. Urteko datuetan, 2025eko hazkundera % 29,4koa da; tasa horrek hirukoiztu egiten du aurreko urtean izandako hazkundera (% 7,8), eta gainditu egiten du 2023an izandako -% 18,5eko uzkurdura. Higiezin merkatuaren hobekuntza, batez ere, Europako Banku Zentralak (EBZ) aplikatutako interes-tasen jaitsierak eragin du; izan ere, interes-tasen murrizketak hipoteka-mailegu berriak formalizatzea sustatu du.


2025eko laugarren hiruhilekoan, formalizatutako hipoteken zenbateko osoa 739 milioi eurokoa da; 2024ko aldi berean baino 100 milioi gehiago dira horiek (% 15,7ko igoera). Urteko zenbaketan, kontratatutako zenbatekoa 2.969 milioi eurokoa izan da 2025ean, 2024an baino 578 milioi gehiago (% 24,2ko hazkundera). Hazkunde hori EAE osokoa (% 25,6) eta Estatukoa (% 28,1) baino txikiagoa bada ere, emandako kapitalaren bolumena ia % 40koa da pandemiaren aurreko mailen gainetik.

Bizkaian merkataritza-sozietateak eratzeari dagokionez, 2025ean 2.151 enpresa sortu dira, eta 2024an, berriz, 1.941; horrek esan nahi du urte arteko % 10,8ko hazkundera izan dela. Hala ere, daturik garrantzitsuenak harpidetutako kapitalean dago; izan ere, % 284,3ko

hazkunde ikaragarria izan du, eta 2024an 124,0 milioi euro izatetik 2025ean 476,6 milioi euro izatera igaro da.

Halaber, enpresa-dinamismoa kapital-zabalkuntzetan islatzen da; haren eragiketen kopuruak % 4,7ko hazkundearekin itxi baitu ekitaldia. Bereziki nabarmentzekoa da prozesu horietan 2025ean harpidetutako kapital-bolumena, % 82,2ko gorakada ekarri baitu. Horrek iradokitzen du lehendik dauden sozietateen egitura indartu egin dela.

Aitzitik, desagindako sozietateen kopuruak % 0,2 baino ez du egin gora, 2024an baino 2 erakunde gehiagorekin. Ehun korporatiboaren erresistentziaren isla da hori.



Prezioen deflatorea eta KPI

Eustaten hiruhileroko kontu ekonomikoen datuetan oinarriturik, esan dezakegu BPGaren balioa, Bizkaiko eguneko prezioetan, 13.304,6 milioi eurokoa izan dela 2025eko laugarren hiruhilekoan, duela urtebete baino 696,9 milioi handiagoa, hau da, % 5,5eko hazkundea izan du urtetik urterako balioak. BPGaren bolumenaren hazkunde zenbatetsia % 2,4koa izan dela kontuan hartuta, hiruhilekoan prezioen deflatorea % 3,1koa izan dela ikus daiteke.

2025ean, eutsi egin zaio 2023an hasitako inflazio-presioen neurritasun-joerari, eta urrundu egin da 2022ko abuztuaren eta iraileko urte arteko % 8,9ko gailurretik. Joan den urtean urtarrileko baliorik handiena lortu ondoren (% 3,4), indizeak beheranzko joera izan du, eta urte arteko % 2,9ra iritsi da urrian. Hala eta guztiz, azaroan hamarren bateko gorakada txikia izan da —% 3,0raino iritsi da—, neurri handi batean pakete turistikoaren prezioen igoerak eraginda. Tasa horrek ez du aldakuntzarik izan abenduan.

Ekitaldi osoan, prezioak % 3,0 igo dira urte batetik bestera —2024ko % 3,2 baino bi hamarren gutxiago dira horiek—, eta oraindik ere tarte handia dago helburutzat hartutako balioei dagokienez. Ondasun multzoen araberrako azterketan, elikagaien prezioak neurritsuagoak dira, urtebetean % 5,0tik % 3,8ra igo baitira. Bestalde, etxebizitzaren prezioek azelerazio nabarmena izan dute, % 5,5 igo baitira aurreko urtean % 3,6 igo ondoren.



Testuinguru horretan, negozioak kolektiboak 149.373 langile ditu, eta horrek % 5,22ko soldata-igoera dakar —Bizkaian 2025eko abendura arte erregistratu diren eta ondore ekonomikoak ekitaldian bertan dituzten hitzarmenei dagokie negozioak hori—. Igoera hori EAEko % 4,14koa eta Estatuko % 3,53koa baino handiagoa da.

Epe laburreko aurreikuspenak

2026ko urtarrilean, Eusko Jaurlaritzako Ekonomia, Lan eta Enplegu Sailak EAEko ekonomiaren 2025., 2026. eta 2027. urteetako hazkunde-aurreikuspenak eguneratu ditu.

2025eko urrian argitaratutako aurreikuspenekin alderatuta, EAEko 2025ko BPGak % 2,2ko hazkunde izango duela aurreikusten da oraindik ere, aldaketarik gabe. Hazkunde horren ondorioz, eurogunerako aurreikusitako tasa (% 1,3) baino nabarmen handiagoa da EAEko ekonomiaren tasa. Etengabeko ziurgabetasun geopolitikoak eta nazioarteko testuinguru ekonomiko konplexua gorabehera, aurreikuspenek hazkunde-agertoki sendoa islatzen jarraitzen dute EAEko ekonomiarentzat.

Bizkaiak EAEko ekonomia-sarean duen garrantzia kontuan hartuta, EAEko BPGaren erdia baino zertxobait gehiago ematen duenez, haren hazkundeak ez luke nabarmen desberdina izan behar autonomia-erkidego osorako zenbatetsitakoaren aldean. EAEko ereduari jarraituz, Bizkaiko hazkunde-tasa estatuko batezbestekoaren azpitik egongo da ziurrenik, eta eurogunekoak gaindituko du. Aurrerapen hori barne-ekariak bultzatuko du nagusiki, kapital-ondasunetan egindako inbertsioaren protagonismo nabarmenarekin.

Lan-merkaturako aurreikuspenen arabera, joera positiboak jarraituko du, enplegua sortuko da eta langabezia-tasa etengabe jaitsiko da.

2025eko ekitaldia KPIaren tasa handiagoarekin itxi da, bai EAEn, bai Bizkaian, estatu osoan erregistratutakoarekin konparatuta. Alde hori erronka da lurraldearen lehiakortasunerako eta familien erosahalmenerako, faktore erabakigarriak baitira BPGaren hazkunderako.

Bilboko Merkataritza, Industria, Zerbitzu eta Nabigazio Ganberak egindako Bizkaiko Industria Koiunturari buruzko Inkestaren arabera, enpresek egonkortasun-egoera bat proiektatzen dute, bai 2025eko bigarren sei hilabeterako, bai 2026ko ekitaldiko lehen sei hilabeteetarako.

Ikuspegi hori bat dator CEBEK erakundeak Bizkaiko enpresen artean egindako inkestaren emaitzekin; aurreikuspenak aldekoak dira 2026an. Bizkaiko enpresek jardueraren eta enpleguaren aldeko apustuari eusten diote, nahiz eta datorren ekitaldiari zuhurtziaz egingo dioten aurre, gero eta zorrotzagoa den eta egiturazko tentsioak dituen ingurunean hazten jarraitzeko izango dituzten erronken jakitun.

Ekonomiaren Abagunearen Adierazkarien Laburpena

Urtetik urterako ald%



	Iturria	Epealdia	Bizkaia		Euskadi		Espainia	
			2024	2025	2024	2025	2024	2025
BPG BOLUMINA*	Eustat/INE	IV Hiruhilekoa	2,8	2,3	2,5	2,3	3,5	2,8
BPG NOMINALA*	Eustat/INE	IV Hiruhilekoa	5,8	5,0	5,4	5,0	6,4	5,7
EKOIZPENA								
-I.E.I. Orokorra zuzenduta	Eustat/INE	Urt.-abendua	-0,5	0,1	-0,9	-0,8	0,5	1,3
-Landunak Guztira	INE	IV Hiruhilekoa	-0,3	1,7	-0,8	1,2	2,2	2,6
-Landunak Guztira	Eustat	IV Hiruhilekoa	0,8	1,5	1,7	1,3	--	--
-Gizarte Segurantzako Afiliatuak	G. Segurantzza	Urt.-abendua	1,6	1,3	1,5	1,1	2,4	2,3
INDUSTRIA								
-I.E.I. Ateratze Industriak zuzenduta	Eustat/INE	Urt.-abendua	-16,6	-3,2	7,1	-6,3	-3,3	5,0
-I.E.I. Beste Manufakturak zuzenduta	Eustat/INE	Urt.-abendua	0,0	-0,5	-0,8	-1,0	0,9	0,6
-I.E.I. E.Elek., Gasa eta Ura zuzenduta	Eustat/INE	Urt.-abendua	-4,5	3,8	-3,2	1,6	-1,5	4,5
-Landunak Industrian	INE	IV Hiruhilekoa	-5,6	18,2	-2,7	2,1	2,6	4,1
-Landunak Industrian	Eustat	IV Hiruhilekoa	3,9	1,6	1,9	1,1	--	--
-E. Elek. kontsumoa Industrian	Iberdrola	Urt.-abendua	3,8	-3,4	1,9	-2,5	--	--
-E. Elek. kontsumoa Ind. Sid. Gabe	Iberdrola	Urt.-abendua	1,5	-4,6	0,7	-4,3	--	--
ERAIKINTZA								
-Landunak Eraikintza	INE	IV Hiruhilekoa	-8,1	10,6	-17,2	12,8	4,7	4,5
-Landunak Eraikintza	Eustat	IV Hiruhilekoa	-5,0	3,2	-1,5	6,6	--	--
-En. Elek. kontsumoa Eraikintzan	Iberdrola	Urt.-abendua	-1,7	9,2	-3,6	3,7	--	--
ZERBITZUEN SEKTOREA								
-Bidaia-irteerak Mugimendua	INE	Urt.-abendua	2,6	3,1	4,9	4,2	3,7	1,9
-Bidaia-irteerak Mugimendua	Eustat	Urt.-abendua	-1,3	7,6	2,1	3,5	--	--
-Gauak	INE	Urt.-abendua	2,4	4,2	4,7	6,4	4,8	1,0
-Gauak	Eustat	Urt.-abendua	-0,4	6,4	3,4	3,6	--	--
-Landunak Zerbitzuetan	INE	IV Hiruhilekoa	1,7	-2,0	1,3	-0,1	2,2	2,2
-Landunak Zerbitzuetan	Eustat	IV Hiruhilekoa	0,7	1,5	1,8	0,9	--	--
-En. Elek. kontsumoa Zerbitzuetan	Iberdrola	Urt.-abendua	-24,0	-5,7	-22,6	-5,9	--	--
LAN MERKATUA								
-Langabezia Tasa **	INE	IV Hiruhilekoa	9,0	7,8	8,1	7,3	11,3	10,5
-Langabezia Tasa **	Eustat	IV Hiruhilekoa	8,5	7,4	7,4	6,4	--	--
-Erregistratutako Langabezia	SEPE	Urt.-abendua	1,0	-2,0	0,4	-1,8	-5,0	-5,9
-Erregistratutako Kolokazioak	SEPE	Urt.-abendua	4,9	3,6	4,4	1,8	3,5	4,0
BARRU ESKARIA								
-I.E.I. Kontsumo Ondasunak zuzenduta	Eustat/INE	Urt.-abendua	--	--	-0,7	-0,5	1,9	1,1
-Turismo-ibilgailuen matrikulazioa	D.G. Tráfico	Urt.-abendua	6,5	14,5	6,9	16,0	10,7	16,2
-E. Elek. kontsumoa Etxeetan	Iberdrola	Urt.-abendua	2,1	0,6	4,9	0,7	--	--
-I.E.I. Ekipamendu Ondasunak zuzend.	Eustat/INE	Urt.-abendua	--	--	-1,2	1,2	-0,6	0,1
-Zama-ibilgailuen matrikulazioa	D.G. Tráfico	Urt.-abendua	-4,1	7,8	2,8	9,0	9,8	12,4
KANPOKO ESKARIA								
Esportazioak Guztira	S.E.Comercio	Urt.-abendua	-4,3	-9,3	-5,1	-3,6	0,2	0,7
-Esp. ez energetikoak	S.E.Comercio	Urt.-abendua	-5,0	-4,6	-5,4	-1,6	0,9	1,8
-Esp. E.E. Europar Batasuna	S.E.Comercio	Urt.-abendua	-9,9	-2,5	-7,7	-1,6	-0,7	1,5
-Esp. E.E. munduko gainer.	S.E.Comercio	Urt.-abendua	4,0	-7,9	-1,7	-1,6	3,5	2,4
Inportazioak Guztira	S.E.Comercio	Urt.-abendua	-0,8	-8,6	0,9	-1,6	0,1	4,6
-Inp. ez energetikoak	S.E.Comercio	Urt.-abendua	-4,4	1,6	-0,1	5,3	1,5	6,7
-Inp. E.E. Europar Batasuna	S.E.Comercio	Urt.-abendua	-3,3	-2,4	0,4	3,0	-0,3	6,8
-Inp. E.E. munduko gainerakoak	S.E.Comercio	Urt.-abendua	-5,6	6,3	-1,2	9,4	3,6	6,5
PREZIO ETA SOLDATAK								
-KPI	INE	Urt.-abendua	3,2	3,0	3,1	3,0	2,8	2,7
-PIIA	INE	Urt.-abendua	--	--	-4,3	0,3	-3,7	0,9
-Itundutako soldata-igoera	Mº de Empleo	Urt.-abendua	3,4	5,2	3,7	4,1	3,1	3,5
EKONOMIAREN FINANTZAKETA								
-Kredituak S. Egoiliarretan	BdE	III Hiruhilekoa	-1,5	1,6	-2,9	1,1	-1,5	2,3
-Gordailuak S. Egoiliarretan	BdE	III Hiruhilekoa	1,9	0,8	2,0	0,5	4,4	4,9

* Espainia, aurrerapena



** Tasa da, ez aldakuntza

Bizkaiko Abagune Ekonomikoaren Laburpen Grafikoa



Ekoizpen Jarduera



Lan-Merkatua



Barruko Eskaria eta Kanpokoa





ABAGUNE FISKALA

Erantzukizun Fiskaleko Agintaritza Independenteak (AIReF) pasa den martxoaren 5ean argitaratutako Zorraren Behatokiaren arabera, Espainiako zor publikoa BPGaren % 100,8koa izan zen 2025ean, beraz, 0,9 puntu jaitsi da urteen artean. 2021eko gehienekotik, zorra 23,4 puntu murriztu da.

Termino nominaletan, zor publikoaren bolumena 1,7 bilioi eurora iritsi zen, % 4,8 hazi ondoren urteen artean. Horrek hazkuntza ekonomikoaren eta sektore publikoaren finantzazio-beharren efektu konbinatua islatzen du.

2025. urterako zorraren aurreikuspen nagusiak azkenean ikusi diren ratioetik apur bat azpian kokatu dira. Zehazki, AIReF erakundeak BPGaren % 100,3ko ratioa zenbatetsi zuen, Europako Batzordeak % 100ekoa, NDFk % 100,4koa eta ELGak % 99,4koa, beraz, desbideratze gutxi izan dira azken datuarekiko. Gobernuaren aurreikuspenek, ordea, zorra apur bat gorago kokatzen zuten, BPGaren % 101,4 zenbatetsita 2024ko urriko Epe Ertaineko Zerga eta Egitura Planean (EEZEP), baina, gerora, berrikusi eta % 101,7an kokatu zen 2025eko Urteko Aurrerapen Txostenean.

AIReF erakundearen kasuan, datuarekiko deribazioa azaltzeko faktoreei erreparatu zaie. Izan ere, aurreratu zena baino ekarpen okerragoa izan dute, baina zati batean konpentsatu da aurrez ikusitakoa baino hazkuntza ekonomiko handiagoa dela eta.

Halaber, Behatokiak berriki inflazioak izandako bilakaera aztertu du eurogunean. 2022ko gehienekoaren ondoren, inflazio-tasa moteldu egin da modu esanguratsuan, eta % 2,0koa izan zen 2025eko abenduan, Europako Banku Zentralak (EBZ) zuen helburuaren ildotik. Dena den, oraindik heterogeneotasuna nabarmena da herrialdeen artean. Ekonomia batzuk helburuaren azpitik daude, hala nola Frantziakoa edo Italiakoa, eta beste batzuk gainetik argi eta garbi, besteak beste, Espainiakoa eta Eslovakiakoa.

Horri guztiari esker, politika monetarioa lasaitu egin da. 2025ean, EBZak lautan murriztu zituen interes-tasak, eta gordailua % 2n kokatu zuen; bien bitartean, azkeneko bileran aldaketarik gabe eustea erabaki zuen. Estatu Batuetan, Erreserba Federalak hirutan murriztu zituen tasak % 3,5 - % 3,75 tartean kokatzeko.

Halaber, Behatokiak Debt Sustainability Monitor (DSM) deritzanaren analisia du. Europako Batzordeak argitaratu zuen 2026ko otsailean. Txosten hori funtsezkoa da ikuskapen fiskalerako, Europar Batasunean zor publikoa jasangarri izateko arriskuak ebaluatzen baititu.

Txostenak adierazitakoari jarraikiz, EBn zor publikoa pandemiaren ondoren lortu zen gehienekotik murriztu arren, oraindik altua jarraitzen du —BPGaren % 82,8 inguru 2025ean—, eta estatu kideen arteko aldeak garrantzitsuak dira. Gainera, oraindik arrisku garrantzitsuak daude honako alderdi hauekin lotuta: horren aldekoa ez den ingurune makrofinantzarioa, biztanleria zahartzea eta gero eta gastu-behar handiagoak klimaren trantsizioarekin eta testuinguru geopolitikoarekin erlazionatuta.

Espanian, DSMk dio arriskuak eutsiak daudela epe laburrean, eta % 15 inguruko finantzaketa-beharrak izango direla 2026-2027 aldian. Gainera, merkatuek aldeko

pertzepzioa dute, kreditu-kalifikazioak berriki hobetu direlako. Epe ertainean, berriz, txostenak arrisku handiak identifikatzen ditu. Aldaketarik gabeko politiken egoerapean, zor publikoak arinki egingo luke behera 2028. urtera arte, baina, ondoren, goraka joko luke BPGaren % 108ra iritsi arte 2036. urtean. Defizita iraunkorra litzateke, eta zahartzearekin lotutako gastua handiagoa ere bai.

Epe luzean, analisiak dio jasangarritasun fiskalerako arriskuak ertainak izango direla, ahalegin fiskal garrantzitsua ezinbestekoa izango den arren. Zehazki, uste da egituraren lehen mailako saldoa BPGaren 5,3 puntutan hobetu beharko litzatekeela epe luzean zorra egonkortzeko, nagusiki, pentsioen, osasunaren eta zaintza luzeen gastua igoko delako. Era berean, ezinbestekoa litzateke BPGaren 4,8 puntu doitzea 2070ean zorra BPGaren % 60ra murrizteko.

Behatokiak ondorioztatzen du zorraren ibilbidea berriki aldekoa izan den arren, epe ertainean eta luzean jasangarritasunari eusteko, ahalegin fiskal gehigarriak egin beharko direla aldaketa demografikoek, gastu behar berriek eta ingurune makrofinantzario ezezagunak gidatuko duten testuinguruan.

Argitaratutako azken datuen arabera, urtariletik irailera bitarteko estatuaren zerga-bilketa, lurralde-administrazioei egotz dakiekeen partaidetza barne, 301.355,0 milioikoa da. % 10,0 igo da 2024ko aldi berarekin alderatuta, zuzeneko zergapetzearen (% 11,1) eta, askoz ere neurri txikiagoan, zeharkako zergapetzearen (% 8,6) igoerek eraginda.

Hazkunde nominala eta zerga bilketaren bilakaera

Testuinguru ekonomiko zail batean, Bizkaiko ogasunaren diru-bilketa 10.000 milioi eurotik gorakoa izan da lehen aldiz. Datu horrek agerian uzten du jarduerak lurraldean duen erresistentzia eta enpleguaren dinamismoa. Zuzeneko zergapetzean, PFEZa da bere osagai nagusia, laneko atxikipenak, diru-sarrerei tira egiten diena; kontsumoaren sendotasunak, berriz, zeharkako zergapetzea bultzatzen du. Bestalde, bilketaren bilakaera 2024an oztopatu zuten faktore negatiboek indarra galdu zuten joan den ekitaldian, mutualistei egindako itzulketen eta hidrokarburoetako iruzurraren kasuan.

Dagoeneko atzean gelditu dira 2024an zerga-bilketa kaltetu zuten bi alderdi zehatz, bereziki Bizkaian: BEZaren iruzurra hidrokarburoen sektorean edo 1978a baino lehen mutualitate bati kotizatu zioten pertsonen dirua itzultzea. Hala, zerga itunduen bilketa garbia 10.442,00 milioi eurokoa izan da Bizkaian 2025ean, eta 2024koa 1.032,9 milioi eurotan gaingaitu da.

EAEko zerga itunduen bidezko bilketa gordina 25.542,8 milioi eurokoa izan zen 2025ean, eta urtetik urterako % 7,9ko aurrerapen ona izan zuen, 2024an lortutako 23.667,1 milioiekin eta % 2,8ko igoerarekin alderatuta. Ehuneko horiek ez dira iristen 2021ean (% 11,3) eta 2022an (% 13,0) lortutako bi digituko hazkundeetara, 2020an pandemiak ekarri zuen gainbeheraren ondoren zerga-sarrerak berreskuratzen hasi baitziren (bilketak -% 8,4 egin zuen behera urte batetik bestera), baina askoz ere handiagoak dira 2023an eta 2024an lortutakoak baino.



Bizkaian, zerga itunduen diru-sarrera gordinak 14.237,3 milioi eurokoak izan ziren (EAEko guztizkoaren % 55,7, aurreko urtearekin alderatuta hiru hamarren gehiago). Hala, 2024an bildutako 13.113,9 milioien aldean, % 8,6ko igoera dakar, aurreko urtean puntu erdia jaitsi ondoren 2023ko aurreko urteko datuarekin alderatuta). Beste bi lurraldeetan ere zerga-bilketa gordinak gora egin du, baina erritmo motelagoan: % 7,0 Gipuzkoan eta % 7,3 Araban.

2025ean, foru-ogasunek egindako itzulketak -% 2,6 jaitsi ziren EAEn; 2024an, berriz, % 11,2 igo ziren. Beherakada -% 2,2koa izan da Bizkaian eta -% 4,4koa Gipuzkoan; bien bitartean, % 0,1 igo da Araban. 2024an, itzulerek hiru lurraldeetan gora egin zuten: Bizkaian % 8,9, Gipuzkoan % 15,5 eta Araban % 9,7.

Aurreko guztia kontuan hartuta, EAEko zerga itunduen bilketa garbia 20.324,5 milioi eurokoa izan da 2025ean; urtetik urterako igoera % 11,0koa izan da, eta aurreko urtean lortutako % 0,5ekoa nabarmenki hobetu du. Horrek erakusten du jarduera ekonomikoa maila altuan gauzatu dela ekitaldian.

Bestalde, Bizkaian, foru-aldundien arteko doikuntzen aurretik, zerga itunduen ondoriozko diru-sarrera garbiak 11.667,5 milioiraino iritsi ziren, eta % 11,3ko igoera izan zuten; 1.181,9 milioi euro gehiago sartu ziren 2024an baino. Izan ere, ekitaldi horretan -% 2,6 jaitsi zen eta 2023. urtean baino 276,9 milioi euro gutxiago sartu ziren.


Estatuarekiko doikuntzak alde batera uzten baditugu (2.550,6 milioi, eta 2024koekin alderatuta % 15,5eko igoera), EAEn kudeaketa propioagatiko bilketa garbia (gustizkoaren % 87,5) 17.773,9 milioikoa izan da, eta urte batetik bestera % 10,4ko hazkuntza izan da (2024an -% 0,1 jaitsi zen), zerga-bilketa gordinak % 7,5 egin zuelako gora eta itzulerak -% 2,3 jaitsi zirelako.

Bizkaian, foru aldundiekin eta Estatuarekin doikuntzak egin aurretik, kudeaketa propioa dela bide itundutako zergengatik diru-sarrera garbiak 10.382,9 milioi eurora iritsi ziren, 2024an baino 1.011,8 milioi gehiago. Urterik urtera % 10,8ko aurrerapena da, eta EAEko batez besteko % 10,4ko hazkuntza gainditzen du.

Era berean, foru-aldundien artean BEZaren eta fabrikazioko zerga berezien bilketan ekarpen-koefizienteen arabera doikuntzak egin ondoren, eta lurralde historikoen arteko transferentziak egin ostean, Bizkaiko kudeaketa propioko diru-sarrera garbiak 9.157,2 milioi eurora iritsi ziren 2025ean (2024an baino 862,9 milioi gehiago), eta urtetik urtera % 10,4 egin zuen gora, aurreko urtean -% 0,7ko beherakada lortu ondoren.

Datu horien arabera, kudeaketa propiotik eratorritako diru-sarrerek (Estatuarekiko doikuntzak barne hartzen ez dituztenak) aurrekontuaren % 89,9 osatu dute 2025ean (10.182,3 milioi euroko aurrekontua).

Kapituluka, kudeaketa propioaren barruan, EAEko zerga-bilketaren igoera 2025ean zuzeneko zergapetzea % 9,3 eta zeharkakoa % 12,0 igotzearen ondorio izan da. Bizkaian, berriz, eta foru-aldundien arteko doikuntzen aurretik, zuzeneko zergapetzeak % 9,6 egin du aurrera eta zeharkakoak % 12,3.



Zuzeneko zergapetzearen bilakaera

Enpleguaren egoera onak zuzeneko zergen bidezko diru-sarrerak bultzatzen jarraitu zuen 2025ean, bere osagai nagusiaren ekarpen nabarmenari esker, hots, lan-atxikipenei esker, bai eta PFEZan gutxiago itzultzeari esker ere.

Zuzeneko zergapetze gordina % 5,2 hazi da 2025ean EAEn, eta 2024an lortutako % 7,5eko igoerarekin alderatuta 2,3 puntu galdu ditu. Horrela, pandemiak ekarri zituen emaitza tamalgarrien ondoren 2021ean hasitako zuzeneko zergapetzearen susperraldiak sendotzen jarraitzen du, eta, aldi berean, urtetik urterako aurrerapen txikiak ekonomiak bizi duen moteltze-aldia islatzen du. Emaitza positiboa izan da hiru lurraldeetan: Bizkaian % 5,3, Gipuzkoan % 5,2 eta Araban % 5,1.

Zuzeneko zergen itzulerei erreparatuz, -% 11,3 jaitsi dira Bizkaian 2025ean, -% 10,5 Gipuzkoan eta -% 14,5 Araban; bien bitartean, 2024an honako hazkuntza hauek izan ziren, hurrenez hurren: % 48,4, % 51,9 eta % 62,5. Joera aldatu da, neurri handi batean, preskribatuta ez zeuden ekitaldietako zenbatekoak ez zaizkielako itzuli mutualistei, bai, ordea, 2024. urtean.

Horren ondorioz, EAEko zuzeneko zergen itzulketak -% 11,5 jaitsi dira batez beste 2025ean (2024an % 51,2 igo ziren). Aurrekoaren harira, zuzeneko zerga-bilketa garbia % 9,3 igo da 2025ean, 2025eko puntu erdiko (% 0,5) hazkuntzaren oso gaineratik, funtsean dagoeneko komentatu dugun itzulerak asko jaitsi direlako. Hala, zerga-bilketa garbiak hiru lurraldeetan gora egin du: % 9,6 Bizkaian, % 8,8 Gipuzkoan eta % 9,2 Araban.

Lan-atxikipenek % 6,1eko igoera nabarmena lortu zuten 2025eko amaieran, eta Bizkaian zuzeneko zergapetzea gorantz bultzatu zuten, garrantzi handieneko osagaia baita. Enpleguak hobera egiten jarraitzen du 2020an pandemiak okupazio-zifrak -% 2,4 jaitsi zituenetik (BJAren arabera). 2025ean, eta BJAren datuen arabera ere, lanean ari den biztanleria % 1,5 hazi da lurraldean. Lanaren atxikipenen ondoriozko diru-sarrerak



3.871,7 milioi eurokoak izan ziren aurreko ekitaldian, 2024an bildutakoak baino 223,8 gehiago, orduan % 6,6ko urtetik urterako igoera lortu zuten.

EAEan, pandemian zehar, atxikipenengatiko diru-sarreraren batez bestekoak positiboan eustea lortu zen (% 0,1), eta hurrengo hiru ekitaldietan hobetuz joan zen (2021ean % 6,1 hazi zen, 2022an % 6,3 eta 2023an % 10,0). Gerora, urtetik urterako hazkuntzak moteldu egin dira 2024an (% 7,7) eta 2025ean (% 6,3).

2025eko hazkuntzak erantzuten dio Arabako % 7,0ri (% 7,9 2024an) eta Gipuzkoako % 6,1ari (% 9,2 2024an), dagoeneko Bizkaian aipatu den % 6,1eko hazkuntza berarekin.

Bizkaian lan-atxikipenen mende dauden Gizarte Segurantzako Araubide Orokorreko afiliazioek 2025eko ekitaldian enpleguan izandako bultzada handia islatzen dute, afiliazio-errekorra ezarrita. Hala, hileko batez bestekoaren batez bestekoak % 1,8ko igoera izan du, eta 2024an erregistratutako % 2,2 baino txikiagoa izan arren: kopuru absolutuetan 7.490 afiliatu gehiago ditu, guztira 415.602.

Hazkundera hiru hamarren handiagoa da EAEko batez bestekoak lortutakoa baino (% 1,5), eta puntu batetik gora txikiagoa Estatukoa baino (% 2,9), 2020an pandemiaren ondorioz askoz galera handiagoa izan baitzuen.

Bestalde, Enplegu eta Gizarte Segurantza Ministerioak emandako datuen arabera, 2025ean Bizkaiko hitzarmenetan hitzartutako batez besteko soldata igoera % 5,2koa da, 2024an lortutako % 3,4ko igoera baino ia bi puntu gehiago, nazioarteko egonkortasunak baldintzatutako ingurune batean.


Bizkaiko datua EAEko batez bestekotik (% 4,1) puntu bat baino gehiago dago gora. Gipuzkoan eta Araban, berriz, soldatak gutxiago hazi dira (% 3,6 eta % 2,4, hurrenez hurren). Estatuarekin alderatuta (% 3,5), soldatek 1,7 puntu gehiago egin dute gora lurraldean.

Gainerako atxikipenak aintzat hartuta, guztietan emaitzak positiboak izan dira ondare-irabazietan izan ezik. Horiek -% 55,2 jaitsi dira, joan den urtean % 19,9 hazi ondoren. Kapital higigarrien atxikipenak % 7,0 igo dira eta kapital higiezinari dagozkionak % 3,9; ordainketa zatikatuen atxikipenak % 5,8 hazi dira eta sarien gaineko karga bereziei dagozkienak % 234,7, 2024an baino hogeita hamar bat milioi gehiago bildu baitira.

PFEZren kuota diferentzialak -146,2 milioi euroko saldo negatiboa du, hirugarren urtez jarraian gorritik, 2024ko -441,5 milioiko saldoaren ondoren. Hala eta guztiz ere, PFEZaren bilketa likidua % 15,6 igo da urte batetik bestera (3.576,6 milioitik 4.134,8 milioira), itzulketen jaitsiera nabarmenaren ondorioz, 904,4 milioitik 654,0 milioira (-% 27,7) jaitsi baita. Egoera hori, aurreko aldizkarietan aipatu zen bezala, 2024an Auzitegi Gorenak emandako epaien betearazpenaren ondorioz gertatu da, 1978a baino lehenagoko kotizazioek sortutako pentsioen zergapetzeari dagokionez. Bestalde, diru-bilketa gordina 4.480,9tik 4.788,7 milioira igo da (% 6,9).

Sozietateen gaineko zergari (SZ) dagokionez, zergaren kuota diferentziala (zergaren guztizkoaren % 54,6) $-\%42,6$ jaitsi da urte batetik bestera, bilketa gordina $-\%17,8$ murriztu eta itzulerak $\%31,0$ igo direlako.

Zuzeneko zergapetzearen barruan dauden gainerako zergetatik, azpimarratu behar da oinordetzen eta dohaintzen gaineko zergaren bilketa igo dela 2025ean ($\%45,4$), 2024ko $\%19,3$ ko hazkuntza indartsua hobetuz. Halaber, aipatzekoa da ondarearen gaineko zerga, fortuna handien elkartasun-zerga barne, $\%22,4$ hazi baita, aurreko urteko $\%16,1$ ekoa hobetuz. Energia elektrikoaren ekoizpenaren gaineko zergari dagokionez, 2024an haren bilketa suspertu ondoren, $44,6$ milioira iritsi zen 2025ean. Bestalde, ez-egoiliarren errentaren gaineko zerga aurreko urtean $-\%11,7$ jaitsi zen, 2023. urtean ordaintzeko konpromisoa zuen ezohiko diru-sarreraren ondorioz, baina 2025ean berreskuratu eta $\%12,5$ hazi da. Eta, gainera, 2025ean finantza-erakunde jakin batzuen interesen eta komisioen marjinen gaineko zerga biltzen hasi da, eta $34,2$ milioi euro erregistratu dira.



Zeharkako zergapetzearen bilakaera

Nazioarteko testuingurua konplexua izan arren, kontsumoa suspertu da, eta, ondorioz, aldaketa positibo garrantzitsuak izan dira Bizkaian eta EAEn. Era berean, behin betiko atzean utzi dira iruzurrezko zenbait jarduketa hidrokarburoen sektorean. Izan ere, horiek asko oztopatu zuten kontzeptu horrengatik bilketa 2024an.

2025. urtea amaitzean, EAEn kudeaketa propioko zeharkako zergapetze gordinak $\%10,3$ egin zuen gora urte batetik bestera, eta joera negatiboa hautsi zen, 2024an eta 2023an $-\%2,5$ eta $-\%1,3$ jaitsi baitziren, hurrenez hurren. Itzulketak ere igo egin dira aurreko ekitaldiarekin alderatuta, $\%5,6$. Orokorrean, zeharkako zergen bilketa garbia $\%12,0$ hazi da urtea amaitzean; bien bitartean, 2024. urtean $-\%0,7$ jaitsi zen.



Bizkaian, EAE osoan bezala, zeharkako diru-sarrera gordinak eta itzulketak hazi egin dira. Hala, honetan ere joera aldatu da aurreko bi ekitaldietakoa aintzat hartuz gero. Horrela, foru-aldundien arteko doikuntzen aurretik kudeaketa propioaren bidez egindako zeharkako bilketa gordinak % 11,5 irabazi du, eta itzulketek % 8,6 (2024an -% 8,0 eta -% 14,0 jaitsi ziren, hurrenez hurren). Doikuntzen aurreko bilketa garbiak urtetik urtera % 12,3 egin du gora (2024an -% 6,4 jaitsi zen).

Bizkaian, BEZaren bilketa gordina zeharkako bilketa gordin osoaren % 70,6 inguru da, eta 2025. urtea amaitu denean, % 14,0 hazi da aurreko ekitaldiarekin alderatuta. BEZaren itzulketak ere igo dira, baina gutxiago (% 7,3). Hala, BEZaren doikuntzen aurreko bilketa garbia % 16,7 igo da. 2024an, diru-sarrera gordinek eta itzulketek -% 11,5 eta -% 13,6 egin zuten behera, hurrenez hurren; beraz, doitu gabeko BEZaren diru-sarrera garbiak -% 10,7 jaitsi ziren.

Termino absolutuetan, kudeaketa propioko BEZaren bilketa garbiak (3.193,9 milioi euro), lurralde historikoen arteko doikuntzen aurretik, 456,8 milioi euro irabazi ditu 2024koarekin alderatuta (2024an 327,8 milioi euro gutxiago bildu ziren 2023arekin alderatuta). Foru aldundien arteko BEZaren doikuntzari dagokionez, Bizkaiak 716,1 milioi euro ordaindu ditu 2025eko ekitaldian (% 26,7ko igoera handia 2024arekin alderatuta). Hortaz, azken emaitza da bilketa garbi doituia % 14,1 hazi izana, 2024an bildutakoaren aldean, orduan -% 3,2ko jaitsiera izan baitzuen.

2025ean, Bizkaiko kudeaketa propioko zerga berezien bilketa garbia, % 2,8 hazi da doikuntzen aurretik. Urtebete lehenago, ordean, puntu erdia (-% 0,5) egin zuen behera. Bere osagai nagusiak, hidrokarburoen gaineko zergak, ere gora egin du, eta urtearen bukaeran % 2,4era iritsi da (2024an -% 2,5 jaitsi zen).


Tabako-laboreen gaineko zergak emaitza positiboa izan du laugarren urtez jarraian, eta 2024an diru-sarrera garbiak % 2,4 handitu ondoren, 2025ean emaitzak hobetu ditu, % 3,9 egin baitu aurrera. Bestalde, berrerabili ezin diren plastikozko ontzien gaineko zergak – 2023an biltzen hasi zen – -% 7,6 egin du behera.

Gainerako lurraldeekin doikuntzak egin ondoren (460,3 milioi euroko ordainketarekin eta urte arteko -% 2,3ko jaitsierarekin), Bizkaiko zerga berezien bidezko bilketa garbi doituia % 5,3 hazi da 2025ean (2024an % 1,9 irabazi zuen).

2025ean, zenbait garraiobideren gaineko zerga bereziarengatik diru-bilketak hazkuntza eten du, eta -% 22,2 jaitsi da, urtebete lehenago izandako % 10,7ko hazkuntzaren aldean.

Zeharkako zergen gainerako figuren artean, ondare eskualdaketen gaineko zergaren bidezko sarrerak, kostu bidezko eskualdaketen modalitatean, % 24,8 igo dira, higiezin merkatua suspertu baita, tasen jaitsierek lagunduta, eta horrek erraztu egin baitu etxebizitzaren salerosketa-eragiketarako finantzaketa eskuratzeko. Gainera, zenbait zerbitzu digitalen gaineko zergaren bidez 8,8 milioi bildu dira, eta zabortegetakoa hondakinen biltegiaren, errausketaren eta hondakinen baterako errausketaren gaineko zergaren bidez 12,9 milioi (2023an hasi zen azken zerga hori biltzen).

Azkenik, 2025ean finantza-transakzioen gaineko zergaren diru-sarrerek gora egin dute (% 20,5), Bizkaiko Foru Aldundiak 47,0 milioiko doikuntza ordaindu ondoren; Gipuzkoakoak 32,1 milioi jaso ditu, eta Arabakoak 14,9 milioi. Bestalde, berotegi-efektuko gas fluordunen gaineko zergak 3,8 milioi euro lortu ditu, -% 11,0 gutxiago (aurreko urtean 4,2 milioi), Bizkaiko Foru Aldundiak Araba eta Gipuzkoako aldundiei 2,2 milioi euroko doikuntza ordaindu ondoren (Gipuzkoakoari 1,1 milioi eta Arabakoari 1,1 milioi).



Epe laburrerako aurreikuspenak

EA Eri dagokionez, Eusko Jaurlaritzaren 2026rako aurreikuspen ekonomikoen berri eman zuen Ekonomia, Lan eta Enplegu Sailak, 2026ko urtarrilaren 19an egindako agerraldi publikoan. Pasa den martxoaren 6ko eguneratzean, azpimarratzekoa da euskal ekonomiak Europako batez bestekoak baino gehiago egin duela gora, inbertsioa bultzatu duela eta lehenengoz iritsi dela milioi bat kotizatzaile izatera Gizarte Segurantzari.

Estimazio horren arabera, Euskadiko BPGa % 1,9 haziko da 2026an eta % 1,6 2027an, ekonomia aurreratuek duten pixkanako hazkuntza motelduaren ildotik. Hala ere, guztiz ere, eurogunerako aurreikusitakoa baino gehiago aurreratuko da, % 1,2 eta % 1,4, hurrenez hurren.

Merkataritza-bazkide batzuen ahultasunak eta muga-zergen tentsioek baldintzatzen dute kanpoko sektorea, beraz, jarduerari bultzada kentzen jarraitu du. Hala ere, bilakaera ez da aurreko urtekoa bezain negatiboa izan. Gainera, urtearen amaierari erreparatu, baliteke hobekuntza egotea. Abenduan, esportazioak % 2,6 hazi ziren, beraz, atea irekita dago joera aldatzeko.

2026. urteari begira, lehenengo adierazleei jarraikiz, urtearen hasiera positiboa izango da. Kontsumoak bere horretan eutsiko dio, merkataritza-gune handietan salmentek hazten jarraituko dute eta lan-merkatua sendo mantenduko da, afiliazioa gehituz eta urteen artean

langabezia murriztuz. Enpleguak gora egiten jarraituko du, erritmoa motelagoa izango den arren. Hori dela bide, langabezia tasa % 6,4ra arte jaitsiko da 2026an eta % 6,0ra hurbilduko da 2027an.

Bizkairako aurreikuspena ez litzateke datu horretatik asko aldendu behar, lurraldearen ekonomia EAEko guztizkoaren % 50 inguru baita.

Zerga itunduen bilketak Bizkaian, EAEn bezala, erakutsi du jarduerak gora egin duela 2025. urtearen amaieran. Hala, 2024ko datuekiko hazkuntza adierazgarriak (% 11,0) gertatu dira bi kasuetan. 2024. urtean ez zen aldaketarik izan Bizkaian (% 0,0) eta % 0,5koa suertatu zen EAEn.

2026ko ekitaldirako, Bizkaiko zerga itunduen bilketaren aurrekontua 10.891,0 milioi eurokoa da, eta 2025eko aurrekontuarekin alderatuta (10.182,3 milioi), % 7,0ko igoera izan du. 2025eko diru-bilketari dagokionez (10.442,0 milioi), % 4,3ko igoera izan da.

Zerga Abagunearen Adierazkarien Laburpena

Urtetik urterako ald.% /urtarrila-abendua

Adierazkariak (datu osoa)	Bizkaia		Ara./Álav.+Gipuzkoa		*Lurralde Erkidea	
	2024	2025	2024	2025	2024	2025
Lanaren Etekinen Atxik.	7,2	6,1	9,1	6,1	9,1	8,5
Kapitalaren Etekinen eta Ondare-irabazien Atxik.	45,9	11,5	54,0	3,3	43,5	7,8
Zuzeneko Zergak	6,9	5,3	8,2	5,2	9,2	11,1
BEZ. Kudeaketa Propioa / Barruko Eragiketak	-11,5	14,0	6,6	6,0	6,5	8,0
Ondare Eskualdaketak eta Egintza Jr. Dokumen.	10,6	26,0	15,3	21,0	d.g	d.g
Zenbat Garraibide gaineko Zerga	13,3	-22,1	7,6	-4,1	d.g	d.g
Fabrikazioaren gaineko Zerga Bereziak. Kude. Propioa	-0,5	3,7	9,5	16,0	6,2	5,0
Zeharkako Zergak. Kudeaketa Propioa	-8,0	11,5	7,1	8,4	7,1	8,6
Zergak Itunduak. Kudeaketa Propioa	-0,8	8,3	7,8	6,4	8,3	10,0
Egindako diru-itzulketak. Kudeaketa Propioa	11,0	-1,8	16,2	-2,7	d.g	d.g

* Lurralde Erkidean, barruko eragiketen BEZa izan ezik, adierazleak zenbateko garbietan adierazi dira. Lurralde Erkideko dirubilketa urtarritetik azarora bitartekoa da.



Ohar Metodologikoa

Aurkakoa adierazten ez den bitartean, zerga-adierazleak zenbateko osoetan adierazi dira, eta kudeaketa propioari dagozkio. Kudeaketa propioa lurralde-eremu bakoitzean eskuratutako diru-sarrerak dira, betiere finantza-akordioetan oinarritutako lurraldeen arteko banaketak egin aurretik. Beraz, Koefiziente Horizontalei begira egindako BEZaren barruko berratzikipena eta Zbak nahiz modu berean banatuta Estatuarekin egindako Doikuntzak ere salbuetsita geratuko dira.



Adierazleen aukera horren ideia nagusia hazkunde izendatua eta Itun Ekonomikoaren konexio-puntuetan oinarritzen den zerga-oinarriaren euskarriaren jarraipena garatzea da.

Ekonomi Ihardueraren Fisko Adierazkarien Laburpen Grafikoa



Zerga Diru-sarrera Orokorrak



Zuzeneko zergen Diru-sarrerak



Zeharkako zergen Diru-sarrerak



Legezko Gordailua BI-1531-98

Argitalpena: BIZKAIKO FORU ALDUNDIA – Ogasun eta Finantza Saila

Erredakzioa, diseinu grafikoa eta infografia: EKONOMI AHOLKULARITZA ZERBITZUA

Argitalpen-itxiera: 2026ko martxoaren 20an (Oharra: erakundeek egindako aurreikuspenak Ekialde Hurbilean gatazka piztu baino lehenagokoak dira).

Aldizkari honetan azaltzen diren iritziek ez dituzte adierazten inolaz ere Bizkaiko Foru Aldundiko zuzendaritza-organoen iritziak.